

Bidestveanîna Mafên Netewî
Yên Gelê Kurd Di Çarçoveya
Îranek Demokratîk û
Federalî de

Hejmar: 149
22'ê Çileyê Pêşîn a 2010
Buha: 150 Tûmen

Agirî

Peyamên pîrozbahiya
Mistefa Hicrî ji
bo Serok û Cîgirê Serokê
Partiya Demokrat a
Kurdistanê **Rûpel: 2**

Duheftînameyek siyasî, civakî, çandî û hunerî ye ku Partiya Demokrat a Kurdistanê Îranê diweşîne

www.kurdistanmedia.com/kurmançî



Deyasalar Mayk Molên: Em amadeyî ber bi rûbûna bi Komara Îslamî re ne

Mayk Molên li seredana xwe ji bo Behrêna da zanîn ku Komara Îslamî li hewla bidestxistina bomba etomî de ye, lewre Amerîka li dema hewce de ji bo ber bi rûbûn û pêşgirtina Komara Îslamî re bi tewahî amade ye. Wî etomî bûna komara Îslamî weke xeterî û gefek mezin li ser hemû cîhanê û bi taybet ji bo cîranên wê ye.

Malikî daxwaznameya kurdan îmze kir



Rûpel: 5

Pêşmerge xwîn e li demarên Kurdistanê de



Dîmenek ji Pêşmergeyên PDK'î

Bi boneya 26'ê Sermawezê, roja Pêşmergeyê Kurdistanê re û resmek heja bi beşdariya Sekreterê Giştî ê PDK Îranê, endamên rêberiya Partiyê, mêvan kadr û pêşmerge û malbatên wan li hola civînên PDK Îranê de birêve çû. Li vê rî û resmê

de birêz Kawe Behramî, endamê Deftera Siyasî yê PDK Îranê bi vê boneyê peyamek pêşkêş kir. Herweha çendîn rê û resmên taybet bi vê boneyê li nawendên 1 û 3 a Kurdistanê, Swêd, Fenland, Amerîka, Nurwêj û çend cihên din de birêve

çûn. Endam û alîgirên PDK Îranê bi vê munasibeta pîroz li navxweyî welat de çalakîyên berfireh yê teblixatî birêveçûn. Rapor û deqa peyama Deftera Siyasî li vê hejmara Agirî de dikeve ber çavên we.



Peyama Deftera Siyasî Bi Hinceta 26'ê Sermawezê

Hewelatîyên birêz!
Xelkê şoresvan û qehreman yê
Kurdistanê!
Birêzan Sekreterê Giştî û endamên
rêberiyê!
Rûpel: 3



Hey dîrok, me çi anî serê te!

Ebdulla Hicab

Dîrok çiqas bi destê me mirovan belengaz û reben e. Çiqas bê çare ye. Çiqas xedir jê tê kîrin, çiqas tê şikandin, ser û binkirin, tevlihev kîrin û rastî çewtîyê tê. Yan berevajî, em mirov çiqas bi dîrokê re nerast in, **Rûpel: 4**



Rejîma Îranê pêşengê

Dara Natiq

Heyamê heyvek berî niha Şêvra Giştî a Rêkxistina Navnetên Hevgirtî, bi piraniya **Rûpel: 5**



10'ê Desamberê, roja cîhanî a mafê mîrov

Siyamend Terbi

Roja 10'ê Desamberê ji bo çalakvanên mafên mirovan wek rojêkê girîng xwe dide holê. Ji ber ku di wê rojê de yek ji bûyerên herî berçav di dîrokê de hatiye tomarkirin... **Rûpel: 6**



HUNERMEND KEJAL ADEMÎ:

HÊVIYA MIN EW E KU BIBIM DENGK JI BO VÊJEYA JINAN

Xwandevanên heja û giranqedir! bo vê hejmara Rojnameya Agirî, me hevpeyvînek taybet derheq jiyana û xebata çandî û hunerî a helbestvan, stranbêj û şarezayê dîroka mosîqaya Kurdî, hunermenda herî heja û naskirye Rojhelata Kurdistanê, Kejal Ademî re çêkiriye. Emê bi hin pirsên taybet derheq bi aliyên cur bi cur yê xebat û tekoşîna hunerî a hunermend Kejalê, zaniyariyên zêdetir bidin we. Kerem kin em û hûn bihevpeyvîna han bişopînin... **Rûpel: 9**

Peyama pîrozbahîya Sekreterê Giştî ê PDK Îranê bo Serokê Partiya Demokrat a Kurdistanê

Birêz Mesûd Barzanî!
Serokê Partiya Demokrat a Kurdistanê!
Tevî rêz û silavan
Hilbijartina cenabê we bo serokatiya Partiya Demokrat a Kurdistanê li Kongireya 13'hemîn a partiya we de cihê dilxweşiya me ye. Bi vê boneyê ve em pîrozbahiyê ji we û hemû endam û alîgirên Partiyê dikin.
Saxlemî û serkevtina we hêviya me ye.



Partiya Demokrat a Kurdistanê
Sekreterê Giştî
Mistefa Hicrî
16.12.2010

Peyama pîrozbahîya Sekreterê Giştî ê PDK Îranê bo Cîgirê Serokê Partiya Demokrat a Kurdistanê

Birêz Nêçîrvan Barzanî!
Tevî rêz û silavan
Bi boneya hilbijartina we li Kongireya 13'hemîn a Partiyê de, weke Cîgirê Serokê Partiya Demokrat a Kurdistanê, pîrozbahiyên germ yem me bipejirîne.
Em hêvîxwaz in ku rola we li vê berpirsiyê de bibe sedema pêşveçûn û bihêztirbûna zêdetir a Partiyê li hemû biyavan de.
Her şad û serbilind bin.



Partiya Demokrat a Kurdistanê
Sekreterê Giştî
Mistefa Hicrî
16.12.2010

Sergotar

Şeva Yelda bi tama hejarî, tepeserî û "Yaraneyan"

ARÎN

Werin em Yeldayê bi bawera dawîanîna bi tarîtiyê û gihîştin bi ronahiyê cejin bigrin

Şeva Yelda, weke dirêjtirîn şeva salê, cejnê kevna û netewî ye ku mêjdem e li nav netewên Îranê de cihêkî taybetî ji xwe re vekirî ye û bûye parek ji kultura û çanda me.

Yelda serbarê wê ku şeva herî dirêj e, lê awisê gelek bûyer û pîrozîyane jî. Ew, mizgîniya demsala Zivistanê dide, kifnê sipî jî dike xelata siroştê û ya ji hemûyan girîngtir, mirovahiyê re jî du pêxemberan dike diyarî; anku **Mîtra** û **Qasimlo** tîne dinê, ku her yek ji wan bûn bi remz û sembola evîni, mêhr, xwebawerî, bawermendbûn bi dawîhatina zulmê û xebat ji bo rizgariya ji tarîtiyê.

Bûyerên han bûn sedem ku şeva Yeldayê pîrozahîya xwe çend qat zêdetir bike û bi birêveçûna cejnan, hersal xwe zindîtir ragire. Wate her bi bihîstina dengê pêyê Yeldayê ji dûrve, xelîk ji hejar û belengazan ve bigre heya zengîn û dewlemendan bixwe dikewin û bi pêşwaziya wê diçin û hewil didin ku berheviya xwe bikin û bi dabînkirina hewcehiyên cejnê, mêvandariyek baş ji Yeldayê bikin. Lewma li dora hev kom dibin û bi xwarinên xweş, bi dîlan û şadiyan ve wê şeva dirêj bi hêvî bi sibehiyên geş û ronahîtiyê bidawî tînin.

Yeldaya îsal jî weke çend salên borî li halekê de dibe mêvanê mal û dilên me, ku hêj gelên Îranê li bin zulm û zora dîktatorê serdem, anku rejîma Komra Îslamî de ne û ji tu cinayet, girtin, azar û îşkence û hovêtiyan bi nîsbet xelkê Îranê xwe neparastine û hêj dixwazin ku tarîtiyê û sîbera biyom a xwe bi ser asîmanê welatê me de berdeyam bikin. Lewma rast li serûbendê cejna Yeldayê de, bedkaran terh û pîlana xwe a genî û mirar ya bi navê "meremdarkirina Yaraneyan" xistin warê piraktîkê û giraniyek bêhempa û çend qatî li seqa û atmosferê tewaw leşkirî û ewlehî de bi ser xelkê de sepandin û tama cejnê ji wan tal kirin.

Lê xelkê hişyar û têhnîyên azadiyê li Îranê de weke her çar dîsan teslîmî xwastên rejîmê nabin û dê her li ser lingan bo pêşerojek ronahî û elinda serkevtinan ve bimeşin. Lewra em jî dibêjin werin em Yeldaya îsal bi bawermendiya bi bidawîanîna tarîtiyê û zulma Komara Îslamî û gihîştin bi asoyek rohtir cejin bigrin. Yelda ji we pîroz be.

Peyama Sekreterê PDK Îranê bo 13' hemîn Kongireya Partiya Demokrat a Kurdistanê

Birêz Mesûd Barzanî, Serokê Partiya Demokrat a Kurdistanê!
Hevalên birêz ên serkirdayetiye!
Tevî silavek birayane
Bi hinceta pêkanîna 13' mîn Kongireya partiya we, pîrozbahiyên gerim ên xwe û hemû rêberiya Partiya Demokrat a Kurdistanê

pêşkêşî we yê birêz û nûnerên beşdar di Kongirê de dikim.
Bêguman bi lêzanî û tekoşîna we yê birêz, Kongireya we bi serkevtî dê dawî bi kar û bar û bernameyên diyarîkirî ên xwe bîne û encamên wê dê bibin hegera pêşkevtinên din di pêvajoya berbi

pêşdebirina pîrsa Kurd li Kurdistanê Îraqê û destkevtên pêtir bo bizava netewî ya me di herêmê de.
Serkevtina we hêviya me ye.

Partiya Demokrat a Kurdistanê
Sekreterê Giştî
Mistefa Hicrî
11.12.2010

Seredana Serokê HAK- PAR û Serokê PSK -Turkiyê ji Deftera Siyasî a PDKÎ



Li gor rapora nûçegihaniya Kurdistanê, roja Çarşemî, 08.12.2010'an, heyetek ji rêberiya

HAK-PAR'ê bi sereperestiya Bayram Bozyl, sekreterê vê partiyê û herweha heyetek ji

Partiya Sosyalîs a Kurdistanê Turkiyê bi serperestiya Mesûd Tek, sekreterê vê hizbê, seredana Deftera Siyasî a PDK Îranê kirin.

Ew du heyet ji aliyê heyetek ji rêberiya PDK Îranê bi serokatiya Mistefa Hicrî ve bi germî ahtin pêşwazîkirin. Li rûniştinê sê demjimêrî de çend pirsên cihanî, pêvajoya demokrasiyê û pirsên deverê û pêwendîdar bi doza kurd li hemû parçeyên Kurdistanê de, xistin ber bas û bîr û rayên xwe guhertin. Herweha li vê rûniştinê de tekez li ser pêwendiyên dostane yê her sê aliyên hat kirin.

Beşdariya PDKÎ di civîna rêxistina Netewên Yekgirtî de



Li gor nûçegihaniya Kurdistanê, Saziya Netewên Yekgirtî, li 14-15'ê Çileyê Pêşîn (23 û 24'ê Sermawezê), sêyemîn civîna xwe derheq kêmaniyan cihanê û pişikdariya wan di abûriyên cihanî de di binkeya wê saziyê de li bajarê Jinêvê birêve bir.

Luqman Ehmedî, Şêvirmendê komîteya navendî, bi nûneratiya PDKÎ di vê civînê de pişikdarî kir.

Mijara vê konfiransê, beşdariya bi bandor a kêmaniyan di abûriya cihanê de bû. Civîna han bi pişikdariya nûnerên welatên

endam, dam û dezgehên cur bi cur yê UN û saziyên çalak di warê mafê mirov de birêve çû.

Di roja yekem de (23'ê Sermawezê), civîn ji aliyê Serokê Şêvra mafê mirov a saziya netewên hevgirtî, Sîhasak Povangekitev, hate vekirin. Piştî axavtina Serokê Şêvra mafê mirov bas li ser çarçoveya yasaya navneteweyî û çavaniya parastina mafê kêmaniyan û rêçareya herî baş bo pişikdariya wan di abûriya welatên cihanê de hatekirin.

Piştî bas li ser ax û dewlemendî û samana kêmaniyan û bandora siyaseta welatên cuda li ser jiyana abûriya kêmaniyan hate kirin.

Bas û gengeşeya bi dawîhatina roja yekem taybet bûn bi mafê şolkirin û pirsên civakî a kêmaniyan û erkê welatên cihanê di vê derheqê de.

Di roja duyem de, basa yekem li ser pişikdariya bibandor a

kêmaniyan di darêtiya siyaseta abûrî a welatên endam di saziya Netewên Yekgirtî de hatibû terxan kirin. Mijara dawî a civînê taybet bû bi helawardin û cudahîdananên abûrî. Hêjayî gotinê ye ku nûnerê PDKÎ di vê pişka basa civînê de, mijarek derheq bi bînpêkirina mafê neteweya kurd li Kurdistanê de pêşkêşî civînê kir.

Herwisan li roja 13'ê Çileyê Pêşîn (22'ê Sermawezê) de, anku rojek berî destpêkirina civîna giştî, nûnerê PDKÎ di civînê tevî lêjnaya birevebriya civîna giştî de, mijarek derheq bînpêkirina mafê netewên bindest ên Îranê ji wan re şirove kir.

Di vê civînê de nûnerên netewên; Ereben Ehwezê, Belûçistan û Kurdistanê ji rêya saziya UNPO ve beşdar bûn. Di heyamê wan du rojan de, nûnerê PDKÎ çendîn hevdiyan tevî hin nûnerên welatên endam di saziya netewên hevgirtî û herwisan nûnerên hin kêmaniyan cihanî encam dan.

Peyama Deftera Siyasî Bi Hinceta 26'ê Sermawezê

Hevwelatîyên birêz!
Xelkê soresvan û qehreman yên Kurdistanê!
Birêzan Sekreterê Giştî û endamên
rêberiyê!

Kadr û pêşmerge û endamên PDK Îranê!
Malbatên birêz ên şehîdan dikim!
Mevanên hêz û delal!
Silav ji we

Bi boneya 26'ê Sermawezê, 65'mîn salvegera dahênana navê pîroz ê pêşmerge û 26'mîn salroja diyarîkirineroja pir ji şanaziya PÊŞMERGE, pîrozbahiye ji pêşmergegên qehreman û xelkê têkoşere kurdistanê û malbatên birêz ên şehîdan dikim ku bi xwîna geş a xwe belgeya domandina xebatê wajo kirin û em hîn kirin heta gihîştin bi armancên wan dest ji xebatê bernedin.

Silav ji girtiyên siyasî ku bi soresvanî li hember rejîma tarîfî û sitem û nezaniyê de sekinîn.

Pêşmerge kê ye?

Pêşmerge ev soresvanê mandînenase ku bêberamber ji bo rizgariya gelê xwe ji destê diktatorî û kewnne perestiyê de, zêdetir ji niv sedsale can li ser dest xebatê dike.

Pêşmerge ew mirovê newest e ku bi hizrek serdemiyane bo gihîştin bi armancên gelê xwe li rewşên herî dijwar de dixebite. Pêşmerge ew mirovê can li ser dest e ku ji hemû şewazên xebatê ji bo dabînkirina mafên netewî yên gelê kurd li Kurdistanê Îranê de li dijî rejîmên kewneperest û diktator ên yek li dî yek ên Paşatî û Komara Îslamî de rawestiyaye û bi hezaran rûpelên zêrîn li xebata bo azadiyê li dîroka gelê me de tomar kiriyê.

Hêjano!

Qelem li ast mezinahî, berxwedanî, fidakarî û cangorîtiya pêşmerge de karîna nivîsînê nine û bersivderê wan hemû şanaziyan nine.

Li dîroka her neteweyekê de qat yan texek bûne sembola rizgarî û bicînanîna armancên ve neteweyê û li vê pêxemê de fidakarane xebat kirine, nemaze canê xwe jî ji dest dane û bûne bi nişana rizgariya gel, çirayê ronahîker û dilê wê netewê, rênîma û rênîşanderên nişên pêşerojê; Tex yan qata han li her welatekê de navek ji wan re hatiye hilbijartin û peyker ji şehîdan wan çêkirine ku li zaf welatan de bi Serbazên wunda hatine binavkirin.

Tevgera netewî- demokratîk a gelê kurd li Kurdistanê Îranê de bi rêberiya PDK Îranê jî naznavê pîroz ê pêşmerge jî bo soresvanên kurd re hilbijartiyê. Êdî ev navê pîroz bû bi nişan û sembola soresvaniya kurd li hemû parçeyên Kurdistanê, û li asta cihanî û bir û raya giştî de ji weke nişana rizgarîker a gelê kurd û parêzerê maf û azadiyên vî gelî hat nasîn.

Xûşk û birayên birêz!

Li çih de ye ku li vê roja pîroz de em hawriyekê li ser çawaniya diyarîkirina roja Pêşmerge Kurdistanê bidin.

Civîna Komîteya Nawendî a partiya me ku li meha Gelawêj a sala 1363'ê a rojî de pêkhat, li biryarekê dîrokî û soresvanî de roja 26'ê Sermawezê bi roja Pêşmergegên kurdistanê diyarî kir.

Sedema diyarîkirina vê roja dîrokî vedigere bo ser helwesta soresvanî a xelkê bajarê Mehabadê ku li roja 26'ê Sermawezê 1324'ê Rojî de, li êrişek soresvanî de bo ser bajêrvaniya Mehabadê û dawîn pašmayî û çihwarê dezgeha tepeserker a hikûmeta

Paşatiyê û tîk û pêk dan.

Li wê rojê de desthilata siyasî li beşek li Kurdistanê xoşewîst de kete destê xelkê û bi fermî Sipaha Millî jî bo parastin û ewlehiya deskewtên soresê hat avakirin.

Piştî avabûna Komara Kurdistanê û xurtbûna Sipaha Millî li bajarê Mehabadê de bo cara yekemîn navê pîroz û pir ji şanazî yê pêşmerge li ser tîkoşer û soresvanê kurd hat danin û weke peyva herî şêrîn ketiye wan çanda kurdewarî û paşan dîrokek pir ji serwerî jî bo xwe tomar kir.

Pêşmerge bû bi parêzer û mafxwazê gelê kurd li hemû parçeyên kurdistanê de û niha jî navê pêşmerge li nav bir û raya giştî a cihanê de sembola mirovek azadîxwaz û rizgarîkerê gelê çewsarê û zullêkirî yê kurd e, eva jî şanaziyek din a PDK Îranê ye ku afirandane navê pîroz ê pêşmerge ye.

Roja 26'ê Sermawezê, roja hemû wan kesane ku li rûyê niyetpakî û hesta geldostî û niştimanperwerî ve çek li milê xwe kirine li rîya xebatê ji bo bexteweriya gelê xwe de ji tu fidakarî û cangorîtiyekê xwe neparastine û neparêzin jî, herweha li ast dujmin de jî



Kawe Behramî
Endamê Deftera Siyasî a PDKÎ

kelehek xweragir û berxweder, û li hember xelkê û hevalên xwe de jî rûxweş, geş, hêdî û liserxwe ye.

Li rastî de roja 26'ê Sermawezê, roja nûkirina peyman û soza navbera gel û pêşmerge jî bo domandina xebat û tekoşina wan li hember pêşerker û dijminên gelê kurd e û herweha jî bo xelkê kurdistanê û piştewaniya wan ji keç û xortên can li ser destê wan e ku demên herî baş û xweş yê temen û şîrîntirîn sermiyana jiyana xwe ku canê wan e, pêşkêş bi rizgariya gel û niştiman kirine.

Li xwe re nine ku li heyama wan çend salan de dujmin ji rîya pîlanên cur bi cur ve hewil daye ku yekêdî û yekrefiya navbera gel û pêşmerge tîk bide, lê hişyarî û tîgihîştina xelkê kurdistanê her car pîlanên dujmin pûç kirine û ew pîlan hertim ji aliyê rêberiya tevgera gelê kurd anku Partiya Demokrat a Kurdistanê Îranê ve eşkere kirine û tenê şermezarî jî bo dujmin hiştine.

Pêşmerge bi piştewanî û piştqahîmbûna xelkê kurdistanê û bir û bawera serkevtin bi ser dujminên gelê kurd û bo gihîştin bi armanca xwe jî hemû şewazên xebatê mifah distîne û li gor rewş û zirûf rîya herî baş hildibijêre û xebata xwe bona gihîştin bi maf û azadiyên xwe didomîne.

Niha jî pêşmerge weke qehreman û çelengê nav çepera berxwedanê li kurdistanê piştawanê hemû azadîxwazên Îranê ye û hizba dahênerê nav û roja pêşmerge jî weke rêberiya tevgera gelê kurd li Kurdistanê Îranê remza xebat û tekoşinê û sitûna pêşeroja avakerên sistema federalî û demokrasiyê jî bo gelên Îranê ye. 65 sal bi ser helwesta soresvanî a xelkê Mehabadê re derbas dibe û deskewta wê bizavê bû bi Komara Kurdistanê û xebat li dijî her du sistemen diktatorî û paremayî yê Paşatî û Komara Îslamî, Partiya Demokrat a Kurdistanê Îranê weke mîratgirê wan deskewtan ji xebata bo misogerkirina armancên gelê kurd li Kurdistanê Îranê berdewane û heta serkevtinê rêvingê wê rîyê ye.

Dîrok gewahyarê sistemen diktator yê devere ye, herwek li çend salên derbasbûyî de jî em bo xwe jî şahidê wê bûne. Komara Îslamî a Îranê ne tenê diktatorî bi ser gelên Îranê de sepandiyê, belkî bi vî bir û hizra kewneperestane ya xwe ceħda xurtkirina soresê li derveyî sinorên

rejîmê helwestê bigrin.

Bi giştî karek wiha kiriyê ku rûçikê Îranê li nav bir û raya giştî a cihanê de nehez û kotf bike. Ji aliyek din ve pesendkirina çar biryarnameyan ji aliyê rêxistina NY jî bo pêkanîna berbandan li warê aborî li dijî rejîmê, nişaneyê dîrketina ve rejîmê jî civaka cihanî ye.

Bêşik kiryarên han li warê aborî ve, rengvedanek nerênî li ser jiyana gelên Îranê de dike û rejîm jî bona peçavtina vî şewaza hizrîne bo pêgirtin ji nerazîtiya xelkê penayê dibe ber zor û tundî û tîjîyê û weke aleva bêdengkirina xelkê Îranê mifahê jê distîne.

Birêzan!

Erkê ser milê azadîxwazên Îranê li rewşa niha de bi liberçavgirtina pir netewîbûna vî welatî, yekêdî û saxbûna li ser şewaza sistema pêşeroja Îranê û danana pîrogramek demokratîk e ku maf û azadiyên hemû xelkê Îranê berçav bigre û hewil bide sistema herî guncaw û jêhatî ku federalîzm e, li ser bîngeha cuxrafîyayî- netewî misoger bike.

Ev kare li pêxem damezrandina sistema pêşeroja Îranê de bibe berbandek ji bo kesên oportonîst ku dixwazin li jêr durûşma çewşekarane de jiyê rejîmê dirêj bikin. Zêdeyî 31 salan e ku Partiya Demokrat a Kurdistanê Îranê xebata bêrawestan a xwe li dijî rejîma diktator û serberedayî Komara Îslamî dest pê kiriyê.

Xelkê Îranê piştî hilbijartina serokkomariyê li Îranê de li dijî vî sistemê serî hildan ûrewatî û meşrûeta rejîmê birine bin pirsiyarê. Ewe jî li demekê de bû ku rejîmê tu pûte û giringiyek bi encamên wê binav hilbijartinê ku berbijarên wê, more kesên naskirî yê rejîmê bi xwe bûn, neda. Lewre xelkê bêzarbûyî yê Îranê ev derfet bi girîng zanin û bi awayek berfireh û girseyî li dijî rejîmê serhildan. Li nav berbijaran de du kes jî berpirsiyarên berê yê rejîmê bi navên Mûsewî û Kerûbî li hewl û ceħda wê de bûn ku desthilatê bidestve bigrin, lê Ehmmedîjad pêştir ji aliyê Xamineyî ve hatibû diyarîkirin.

Soz û peymanên rejîmê bo azadiya hilbijartinê li nav berbijaran de jî nerast derketin û Mûsewî û Kerûbî bi navê Tevgera Kesk, nerazîbûna xwe bo gihîştin bi desthilatê nişan dan û komek durûşmên binav azadîxwazane hildan.

Lê ji bo xelkê derket ku dîtin û ramanên Mûsewî û Kerûbî bersivderê xwast û daxwazên gelên Îranê nine û ew alî jî ku tevgera Kesk bi rêberiya Mûsewî û Kerûbî weke rîyek ji bo reform û guhertinan li Îranê de dibînin, divêtê bizanîbin ku li bername û pirogamavan kesane de ne demokrasiyê cî heye û ne jî mafê netewî manayek heye.

Çunku li her hal de encama vî hizrîne ji hatine serkar a Xatêmî baştir nabe û tenê dirêjkirina temenê Komara Îslamî de pêre be.

Hêza Pêşmergegên Kurdistanê û tevgera berheq û azadîxwazane wê bi rêberiya PDK Îranê, dê newest û mandînenasane heta gihîştin bi sistemek demokratîk a federalî ku xwast û daxwaza hemû gelên Îranê misoger bike, dê bixebite û rê nede ku seqa û etmosferek dîrewîn biser bir û hizrîna wî/ê de zal be.

Hey dîrok, me çi anî serê te!



Ebdulla Hicab

Dîrok çiqas bi destê me mirovan belengaz û reben e. Çiqas bê çare ye. Çiqas xedîr jê tê kirin, çiqas tê şikandin, ser û binkirin, tevlihev kirin û rastî çewtîyê tê. Yan berevajî, em mirov çiqas bi dîrokekê nerast in, bê berpirsîyê pî re dilzîn, henekan pê dikin, xwe dixapînin, dîrokê dixapînin. Lê gelo heya ku em dikarin xwe bixapînin û çawan heya wê astê em dikarin bi xwe û be kesayetî, dîrok, nasname û hebûna xwe re dexel bin. û di heman demê de ji her bi îdia bin û bikaribin li ber xwedîkê temaşeyî nav çavên xwe bikin bîyê ku

Dema bûyereka bi destê mirovan bi xwe nebû û bîyê heza mirov hate pêş, wê demê tu lome nayê kirin ku mirov giliyên xwe ji qederê bike û ji dîrokê gazindan bike. Lê karê ku me mirovan bi xwe anî serê xwe, em bi xwe jê berpirsîyarî û dibe em rîya jê derbasbûnê jî bo bibînin. Bûyerên siyasî ne di dest qederê de ne, di destê mirovan bi xwe de ne. Dîrok jî hema her bi wî awayî, ew jî keda destê mirovan e, berhema têkoşîn yan jî ya şaşîtiyên mirovan bi xwe ye. Lewma li hember dîrokê û bûyerên dîrokê, mirov bi xwe berpirsîyarî. Êdî bûyer çî bi xêra mirovan herne pêş an encamên xirab jê derkevin, bi her awayî her bi biryar û bi îradeya mirovan diqewimin.

Bûyerên dîroka Kurdistanê jî ji wê yekê ne cuda ne. Her çend Kurd bi xwe ne hostayê sazîkirina dîroka xwe bin, lê di avabûna rewşa îro de rola Kurdan bi xwe jî heye. Êdî ew Kurd çî şêwe Kurd

bin, bi çî mebestê weha kiribin û di xizmeta kî de bûbin, tu ji rastiya îro naguhere. Rewşa îro tevgera Kurd li Rojhilata Kurdistanê jî di nav de dijî, her bi wî awayî ye. Rêxistinên siyasîye ku di dema dawî de pêşengiya xebata siyasîye Kurd li Rojhilata Kurdistanê dikirin hem di pêşveçûna armanc û mesaja tevgerê de xwedî rola sereke ne, hem jî, hem jî, hem jî ... bêjim an nebêjim, ... hem jî di avakirina rewşa bê serubere niha de.

Ew demê ku dikim nakim, tu bersiva jî wê pîrsê re nabînim ka gelo em ku hin qas bi dîrokê ve girêdayî ne çima tiştêkê jî dîroka xwe fêr nabin! Dîroka kevnare vegere, ji ber çî em ji dîroka ku em di nav de dijîn dersekê nagrin. Ya rast, li vir navxwazim bikevim çarçoveya baskê felsefî û jî bersiva pîrsên bi cewherê jîyanê ve girêdayî bigerim. Li vir tenê dixwazim mijarekê vekim ku em hemû dibînin, lê hinek jî me xwe jê bîxwedî dikin. Em hemû dizanin, lê hinek jî me wê bi nebûyî dihesibînin. Em hemû jê re şahid bûn, lê hinek jî me çavên xwe jê digrin.

Di wan 30 salên dawî de bi gelek şanazî û serbilindiyên ku tevgera siyasîye Kurd li Rojhilata Kurdistanê afirandin re, aliyek tal û bi azar jî hebû. Beşek ber bi çav ji potansiyel û şiyana tevgera Kurd ji ber netifaqî û giriftariyên navxweyî, li hember hev sekînin. Ji wê hê bi êş û azartir, hêzên beşdar di tevgera Kurdistanê de bi salan şerê hev kirin. Bi sedan pêşmergeyên ku ji bo azadiya Kurdistanê hatibûn rêza pêşmergeyatiyê, berdan canê hev û hevudin kuştin. Partî û rêxistin jî hev perçe bûn. Hêza gelê Kurd jî armaanca xwe ya sereke ku bi destxistina mafên neteweyî bû dîr ket û hêviyên serketinê bi astengiyên cidî re rûbirû bû.

Lê bûyerên ku ne di kontrola hêzên Rojhilata bi xwe de bûn, hinekê rewş guherand. Atmosfera siyasî guherî û weke ku serdemek nû hatibe pêş, rewşa aloze hundirî tevgera Kurd hinekê êhmal bû û

di dawiyê de jî hêviya pêşveçûnê nû xurt bû. Lê pêşengên tevgera Kurd li ciyê ku bi çavên vekirî temaşeyî bûyerên ku bi xwe afirînerên wan bûn bikin, hewildan ku rastiyan veşêrin. Bûyeran bi nedîtî bihêlin, xwe jî bin barê berpirsîyatiya kar û biryarên xwe yê ku hin caran rast nebûn, bawêjin u li bendê bin belkû meşa dîrokê şaşîtiyan vedîşêre û serdemek nû dide destpêkirin.

Aloziya ku ew demê ku dubare di helwêstê û axaftinê hêzên siyasîye Kurd li Rojhilata Kurdistanê de derket, çewtîya nêzîkatiya wan çend salan derxist. Çewtî bi wê manayê ku heman zêhnîyet û heman helwêst dubare xwe nîşan da. Dîjîrîyar jî her dubare di heman çarçoveya gotara serdema alozî û netifaqiyên de bûn. Bîyê ku yek jî aliyan ku di şer, netifaqî û aloziyan de xwedî biryar û bandor bû, bi qasî serê derziyekê kêmasî û şaşîtiyên xwe bibîne, hema rast sûçê hemû bûyerên tal û azarên ku jî encama birakujîya wê demê de derketî xiste stuyê aliye din.

Dubare heman zêhnîyet, heman edebiyat, heman nerastî, heman xwe xapandin, heman xelkxapandin, heman sûçê di derheqa xwe, tevgera neteweyî û dîrokê de bi heman rengê pêşîn dubare bûn. Tenê wê carê jî ber ku meydan guherîye, seferberîya şer û amadekariyên leşkerî di rojevê de nebûn.

Ewê şaşîtiyê, hemû êş û azarên dema şer û aloziyan vejîyandin. Lê ji wê hê bi azartir, meydan da ku dubare Komara Îslamî rojeva tevgera siyasîye Kurd diyarî bike. Di malperên internetê de dubare pênûsên kurdan berbûne canê hev. Yek bû parêzvanê Komelê û Hizba Demokrat kuta, yek bû parêzerê Hizba Demokrat û Komele kuta, yek bû parêzerê xeyaliye tevgera Kurd û her du alî kuta û ... lê kesê bi awayê cewherî û bi berpirsîyatiyê ew pîrs jî wan berêzên ku dubare êş û azarên dema şer kulandî nekir ka gelo çima hûn dersekê jî dîrokê fêr nebûn u ji bo pêşerojek baştir

we bi raburdûya bi êş re teswîye hesab nekir. Kesê nepîrsî ka gelo çima we karek nekir ku êş û azarên berê dubare nebin u birînen kevn bicebirin.

Ji bo ku şaşîtiyên derbasbûyî neyên dubare kirin, pêwîst nake dîroka çewt were veşartin. Rast berevajî, pêwîstê hemû kêmasî bîne bas kirin, lê ne ji bo tolstandin û şikandinê, tenê ji bo ders jê girtin û pêşî girtin ji dubare bûnê. Hizba Demokrat û Komelê bi hev re şer kirine, ji hev pêşmerge kuştine, dijî hev axaftine. Lê her du jî di qada siyasîye Kurdistanê de hene û wê bihev, bi alîkariya alî û hêzên din yê nava gorepana siyasî, pêşeroja gelê Kurd li beşa Rojhilata Kurdistanê ava bikin. Ji bo wê yekê pîrsa ku hem em û hem jî Komele pêwîstê li ser rawestîna ewe ku ka gelo wan şerê bê mana, çî anî serê tevgerê, em çî dersekê jê fêr bûn û emê di pêşerojê de bi çî awayî bikarin pêşîya rûdawên weha bi êş bigrin.

Heya ku her alî bi awayekê cewherî bi şaşîtiyên pêşîn re dan û standîne neke, îmkana dubare û çendbare bûna şaşîtiyan her heye. Digel ku îro hemû siyasethan û çalakek warê siyasî li Kurdistanê basa pêwîstiya jî hev nêzîkbûn, diyalog, hevgerîtin û bihev karkirinê dike, lê bi kiryar em pêşketinê nabînin. Ewê kêmasîyê dî jî bi xwe re tine; Divê em ji bazneya daxistî derkevin. Divê em ziman û têgehîştina ku qeyranê dixuliqîne li pey xwe bihêlin.

Dem hatiye ku em ji xwe û jî keda xwe xwedî derkevin. Dem hatiye ku em ji şaşîtiyên xwe ders fêr bin. Dem hatiye ku em xwe biguherin. Dem hatiye ku em xwe nû bikin. Dem hatiye ku em ji "ez" û "tu" iyê xwe xelas bikin û em bibin EM. Dem hatiye ku em li hember kêmasî û şaşîtiyên xwe de bi berpirsîyatiyê tev bigerin. Dem hatiye ku em ji kultura ne rast re bêjin BES. Dem hatiye ku êdî em li ser lîngên xwe rawestîna û xwediyê gotina xwe bin. Dem hatiye, dem ...

Nivîskar û lêkolere Kurd, Dr. Efrasiyab Helîmî koça dawiyê kir



Li gor rapora nûçegihaniya Kurdistanê, nivîskar û vekolere Kurd, Dr. Efrasiyab Helîmî, naskirî bi Efrasiyab Hewramî, berrav 16'ê Çileyê Pêşîn a 2010'an, bi sedema rawestana dil di temenê 54 saliyê de, li welatê Rûsiyê koça dawiyê kir.

Dr. Efrasiyab Hewramî xelkê bajarê Nodşeya ser bi devera Pawe ya Rojhilata Kurdistanê bû. Efrasiyab Hewramî di sala 1980' a Zayîni de bû endamê "Çirîk Fidayîyan" û piştî heyamek kurt

navhatî ligel bav û birayê xwe li kêleka hêza Şaho a Partiya Demokrat a Kurdistanana Îranê de cihgîr bûn û di zaf çalakîyên wê hêzê de beşdarî kirin. Piştî çend sal xebatê çû bo Yekîtiya Soviyet a wê demê û heya wergirtina pileya Dukturayê dirêjî bi xwendinê da.

Dr. Efrasiyab bi armanca xizmet bi gelê Kurd li Yekîtiya Soviyetê de dest bi komkirina hejmarek belge û dukomêntan li arşîva wî welatî de kir û berê wê hewl û tekoşîna xwe di du pirtûkan de bi navên "kurd di

erşîva Rûsiyê û Soviyetê de" û "Rojhilata Kurdistanê di serdemê şerê cîhanî yê duyem de" belavkirin ku pirraniya wan belge û dukomêntan peywendî bi Komara Kurdistanê û Partiya Demokrat a Kurdistanana Îranê ve hene.

Partiya Demokrat a Kurdistanana Îranê jidestçûna wî Kurdî welaparêz bi xesarek mezin dizane û serbarê derbirîna xem û kovanan, behî û serxweşiyê jî malbata wî ya birêz dike.

Rejîma Îranê pêşengê pêpeskarên

mafên mirov!



Dara Natiq

Heyamê heyvek berî niha Şevra Giştî a Rêxistina Navnetên Hevgirtî, bi piraniya dengên pêşniwîsê biryarnameyekê pejiwand ku têde bînpê kirina mafê mirov di Îrana bin siya hikumeta totalîter a Komara Îslamî de, bi tundî hate şermezar kirin. Di vê biryarnameyê de derheq bi doma girtin, darvekirin, hepsî kirin, eşkençe, tirsandin û şopandina neyarên siyasî û berevankarên mafên mirov, parêzer, rojnamevan û nûnerên mêdiya, rêveber û pêşkêşkerên xedemeyên internêti, wêblgî nivîs, mamostayên olî, hunermend, xwandekar û yekêtiyên bazirganî û kêmaniyan olî û neteweyî, saziya han bi avayekî micid nişgeraniya xwe da eyanê. Qirar e ku biryarnameya han di demek nêz de bo pejiwandina dawiyê bikewe berdengandê. Hêjayî gotinê ye ku ew biryarname ji aliyê nûnerê Kanada we hatiye amade kirin û zêdeyî 80 welatî dengê erîni dane wê pêşniwîsê.

Herwisan komîteya piştevanî kirin ji rojnamevanan ku meqera sereka a wê di Niyoyorkê de ye, di çend rojên borî de, di warê rawêşa rojnamevanên zindani di çîhanê de ragehand ku: Îran bi girtin û zindanîkirina 34 rojnamevanan yek ji mezintirîn zindana rojnamevanan e.

Ji aliyekî din ve roja 11'ê çileyayê pêşîn, komîteya raporhinêrên mafê mirov a çîhanî, di rapora xwe a bi hinceta roja çîhanî a mafê mirov, Komara Îslamî a Îranê be yek ji bînpêkerên sereke yê mafê mirov di çîhanê de binav kir.

Li gor naveroka rapora han û pêka madeya du a carnameya mafê mirov, divê tu kes bi hegera Ol, regez, cins, reng û bawerên xwe nehên mehrûm kirin. Ewa di demekê de ye ku di sala borî de, parek berçav ji xwendekarên Behayî di Îranê de ji xwandinê hatin bêpar kirin û heft kes ji berpîrsên berê yê civaka behayîyan bi 10 sal zindan hatin ciza dan û

parek ji wan jî ketin ber îrişa navendên tepeserkar e rejîmê. Derwîş û sone mesebên welêt jî bi hemî avayan tèn çewsandin.

Herwisan li gor madeya pêncan a carnameya mafê mirov, tu deshilatek mafê wê çendê nine ku bi eşkençe yan jî kiryarên kirêt û bi avayên hovane tevî zindaniyan riftarê bike. Lê mixabin rayedarên Komara Îslamî bi riftarên dijî mirovî, eşkençe, tecawiz kirin bi hepsiyan, sitandard nebûna hepsixaneyan, mehrûm kirina bi taybetî zindaniyên siyasî ji parêzer û nojdarên taybet û mehkeme kirina wan di dadgehên sergirêdayî û nizamî de, berevajî biryara han diliv e.

Di madeya 9'an a wê zagonê de hatiye ku: xweser û bêpîrs girtin, hepsî û dîrxistina mirovan mehkûm e. Ewa di çaxekê de ye ku destbiserkirina bê heger a rojnamevanan, parêzerên mafên mirov, çalakên mafê mirov, çelenên siyasî û xwandekarî bê rawestan ji aliyê navendên tepeserkare rejîmê ve dimeşe e. Lê ewa di çaxekê de ye ku Îran bi xwe yek ji wajokerên carnameya mafên mirov e û bi tu avayekî pîrensîbên han berçav nagre.

Daxistin û qedexekirina rojnameyên dijberî rejîmê, destbiserkirina berçav a rojnamevanan û sepandina cizayên giran bi ser wan de, sansor, nedana mocewîzê bi belav bûna wan pirtûk û rojnameyên ku li berjewendiya nizamê de nebin. Qedexekirina pênuşa parek ji nivîskar û helbestvanên welêt, şopandin û tirsandina parek ji nivîskar û helbestvanên serbixwe ji aliyê navendên ewlehî û dadwerî

yên rejîmê we, riftarên kirêt tevî navendên sinfî û serbixwe yê xudî pênuş, filter kirina berfireh a malperên Internetî û çewaşe kirina zaniyariyên rast, rast, girtin, teror û darvekirina çalakên warê mafên jinan, xwandekarên û xebatkarên siyasî û azadixwaz, ji sitratêjiyên sitratêjiyên sereke û berdewam berdwam ên Komara Îslamî ne ne ku bê rawestan roj li roj zêdetir dimeşe.

Belavbûna nivîsokekê ji aliyê birêz Saymon Gês sefirê Bîrtaniya li Tehranê di roja 9'ê 9'ê çiliya pêşîn le ser malpera fermî a sefereta navbirî, di warê warê bipêkirina mafê mirov û girtin û destbiserkirina kesên nerazî, azar û ezyet û zindani kirina berevankarên mafê mirov mirov bi taybetî di yek sala derbas bûyî de û nemaze girtina girtina bê heger a xatû Nesrîn Sîtûde bi hinceta têkdana tenahiya welêt u... eyankerê aloz bûn û xirab bûna zirûfa mafê mirov di Îtanê de ye ku me li serî de bas jê kir. Ew helwesta sefirê İngilistanê ku bi bi xwe şahidê rastîni yê rawêş û zirûfa mafê mirov di Îranê de ye, ye, bû sedema wê hindê ku têkiliyên herdu dewletan bigihîje asta herî nizm a xwe û ji ji aliyê navend û organên ve rejîmê ve dijkiyarên tund hatin kirin.

Bêşik bi berçav girtina tev wan rapor û eyankirina parek biçûk ji tepeserkirina mafê mirov di Îranê de, dixuye ku rawêş û zirûfa mafê mirov di Îranê de roj li pey roj, ber bi aloztir bûnê we diçe, û rayedarên diktatore Komara Îslamî ji bo ragirtina deshilata dijî mirovî a xwe, berevajî orf û î yasayên navneteweyî diliv e. Herwisan ji her alavekî

Gefa qutkirina pêwendiyên bi rejîma Îranê re ji aliyê 20 welatên Afrîqayî ve

Bîst welatên Afrîqayî li dijkiyarekê de bi nisbet bicînehinana soz û peymanên Ehmîdînjad, Serkomarê Îranê de ku li gerên xwe bo wan welatan de soza wan dabû, gef xwarin ku dê baloyzaxaneyên xwe li Tehranê de dabixin.

Eva ji piştî wê hat ku ehmedînjad, Wezirê Karê Derve yê Îranê, Menûçêr Mutekî li halekê de ku li sefera fermî bo Sengalê de bû, ji karê xwe avêt û rayedarên Sengalê jî dijkiyarek tund li hember vê kiryar û sivikatiya Ehmîdînjad bi wan re nişan dan û xwaziyarê lêborîn xwastina fermî a Îranê ji wan bûn.

Eva ji kiryar û bêexlaqiyek din a Komara Îslamî ye ku yasa û pîrensîpên dîplomatîk berçav nagire û wezirê xwe serbarê hemû kêmaniyan ve, lê li hale meimûriyet û sefera fermî de ji kar dawêje.

Wikîlîks: Meimûrên nehênî ên Komara Îslamî 180 Pîlotên Îraqî kuştin

Li gor ragihandina kanala ABC news a Amerîkayê, di beşek belgeyên nepenî ên Wezaretê Derve ya Amrîkayê ku ji aliyê malpera Wikîlîksê ve hatine belavkirin, hatiye ku piştî tîkçûna rejîma Seddam Husên, Hêzên Îranê 180 pîlotên hêza Esmanî a Îraqê, ên ku di bombebaranê şerê 8 salî yê navbera wan du welatan de dest hebînetor kirine.

Herweha hatiye ku navê hejmarek zaf ji pîlotên hêza esmanî a Îraqê niha di lista reş a Îranê de ne.

Li gor wê, ji ber aloziyên piştî hîloşîna rejîma Seddam Husên û aloziyên qewmî û mesebî di wî welatî de, pîlan û kumpiloyên rejîma Îranê bo tohildan ji kesatî û pîlotên Îraqê, zaf neketiye ber çav. Li gor amarên Wezaretê Berevanî a Îraqê 800 Pîlotên din jî tîrsa kuştin û gefên tohildanê ji aliyê Îranê ve, welatê xwe bîcîh hiştin.

Hevkariyên Îranê bi Hemasê, her meh 25 Milyon Dolar e

Nûçegihaniya "Ruytirz" ê ji zarê malpera Wikîlîksê ve ragihand: Serokê Itîlaata Misrê zanyarî dane rayedarên Amerîkayê ku piştevaniya malî a Komara Îslamî bi saziya Hemasê mehane 25 Milyon Dolar e, lê Misrê kariye pêşiyê ji gihandina wan hevkarîyanê ji axa xwe ve bo Xezê bigre. Hêjayî gotinê ye ku Komara Îslamî hewil dide ku ji akinciyên deşta Sinayê bo qaçaxiya silahan bo Xezê mifahê bistîne.

Li gor vê çavkaniyê, Îran ji bo şikandina dorpeçên liser Xezeyê û gihandina silahan, hewla damezirandina akinciyên Deşta Sinaya Misrê dide.

Belgeya han ku peywendî bi sala 2009' an ve heye, zêde dike ku Misrê ji zêdebûna nîfûza Îranê di Rohîlata Navîn û destpêragihîştina Tehranê bi çeka navikî re tirs û xofek mezin heye.

Pêştir jî nûçegihaniyan ji zarê Husnî Mubarek ve di civîna Şermulşêx de dabûn zanîn ku navbirî gotiye rayedarên Amerîkayê: Ger Îran bigiye bomba navikî, Misir îî necar e heman rêvê bigre ber xwe.

Malîkî daxwaznameya kurdan

îmze kir



Serokwezîrê sipartî bo pêkanîna hikûmeta nû ya Îraqê, daxwaznameya 19 xalî a feraksiyona Kurdistanî ku mercê sereke yê beşdariya wan di hikûmetê de bû, berî ragihandina pêkhateya nû bi parlamentoyê, îmze kir. Li gorî daxwazname, divê di yekemîn roja destpêkirina karên Hikûmeta nû û heta heyama salekê, projeyasaya petrol û gaze, bûdceya pêşmerge, pêkanîna serjimara giştî, pêbendbûn bi destûr û sistema federal a Îraqê li parlamentoyê bê pejiwandin û mada 140 ya destûr jî were bicîhanin.





Erkê Pêşmerge di serdemê xebata îro de



Fatih Salihî

Bo şirovekirina vê basê, berî her tiştekê hewce ye ku em bizanin Pêşmerge kîye û erkê Pêşmerge çîye. Lewma hêjayî vê hindê ye ku bêjin "Pêşmerge mirovekî xebatkar û azadîxwaz, jêhat û pêşengê xelkê ji bo rizgarbûn li bin lepên zordaran û alahilgîrê mafê mirov, berevankarê mafê netewî û balyozê azadiyê ye." Ku bi mifahwergirtin ji çeka zanistê, pêka qunaxên cur bi cur bo berengarbûn tevî wan kesên ku dixwazin mafê netewên din zewt bikin, amade ye canê şîrîne xwe gorî bike û bi xwîna geş û paqij a xwe dara azadiyê av bide. Pêşmerge keç û xortê wî xelkê zulmîkîrî ne ku bi piştgiyariya hêz û şiyana xelkê li hember dujminên pirrçêkên giran û pêşkevî cesûrane disekinin û sîngê xwe dikin mertala dadperweriyê û li

hember xwînrejan de weke çiya bihêz û serbilind e.

Her li gor vê çendê, sehkirin bi sitema netewî, bawerbûn bi rêbaza xebatê, mirohezî, jiyandostî, tekûzbûn û ser û berî, moralbexşîn û gehandina zaniyariyan bi mifahstandin ji zanist û alavên mirovî û jêhatî, li cem naskirina giştalî a dîrok, çand û şûnasa civaka xwe, rêz û hurmetgirtin bo daxwaz û mafê berheq ê tev takên civakê bi her bîr û bawerekê ve, naskirina cuxrafiya welatên herêm û cihan û xwerêxistin tevî pêlên bi cihanbûnê û diyardeya teqîna zaniyarî û dana agahîdan bi mifahwergirtin ji teknolojiya ragehandina îroyîn, tenê parek biçûk in ji erkên pîroz ên îroyînê Pêşmerge ku weke me di despêkê de îşare pêkir li gor qonaxên cûr bi cûr û rewş û zirûfa zal, diviya birêve bibe û mifahê jê wergire.

Niha weke hemû aliyek haydar in, şewaza xebatkirinê piştî wan hemû deskevîten nû ku mirovan bi mifahwergirtin ji teknolojiyê pêşkeşî cihana mirvoatiyê kiriye, bêguman guhertinên bingehîn bi ser de hatine. Ev yeka jî dibe sedema vê çendê ku hêza Pêşmerge Kurdistanê weke

pêşeng û alahilgîrê xebat bi dijî sistem serberedayî a komara îslamî, bi xwandinek durist û lojîkî hewkêşeyên siyasî, cuxrafi û serbazî ên îroya herêmê û cihanê weke mirovekî demokrat û mafxwaz berdewam xwe nû bike û bo berevankirin li wan mafên ku ji xelkê wî hatiye zewtkirin, tev şîweyên nû ên xebatê bo berengarbûn tevî kompilyoyên biyome rejîma dîktatoran melayan mifahê bistîne û bi zanista îroyîn xwe teyar û tijî bike.

Lewma hêza Pêşmerge weke remza gihîştin bi rizgarî û misogerkirina azadiyê, diviya berdewam di nava xelkê xwe de be û asteng û arîşeyên xelkê xwe destnîşan bike û bo jinavbirina wan bi tev awayên berheq û mirovî pêngavan bavêje û birinên gelê xwe çareser bike.

Berhevûn di nava xelkê de, him dikare ji rîya fizîkî û him di rîya ragihandin û teknolojiyê zaniyariyan ve be. Serdemekê hêzên Pêşmerge li herêma Kurdistanê tevî komek ji xelkê berbirû dibin û peyama hêza Pêşmerge û xweşteviyê xwe anku PDK'î bigihîne guhê wan, ew xelke li gor şiyân û derfet weke piştevanê herî sereke yê hêza Pêşmerge, heya qasekê peyaman vediguhaztine nava

xelkên din.

Lê îro bi harîkariya teknolojiya deng, reng û bilavokan hêza Pêşmerge hercar di hembêz û navenda germ û bitên a tev malbatekê li seranserî herêma Kurdistanê de ye. Lewma di serdemê îro de, hevceye ku hêza Pêşmerge Kurdistanê li tenişt parastina mafê xwe bi taybet di welatên dîktator û ne demokratîk, hêjayî vê hindê ye ku ji tev alavên teknolojiyê bo dana zaniyariyan bi xelkê û rêxistinên xwe bi dijî nizama zal mifahê werbigrin. Lê çima diviya ev mafe bihê parastin? Jiber ku Pêşmerge reformxwazekî civakî ye.

Pêşmerge bo berevankirin ji mana netewa xwe bi dijî tepeserkaran çekê hildigre, Pêşmerge bo hiloşîna sistemek ku mafê xelkê wî zewt kiriye wan tepeser dike û li hejarî û nedariyê de radiyre, xebatê dike. Pêşmerge cehdê dike ku bi mifahwergirtin ji vê şewaza xebatê û berevanî û parêzgarîyê ji man û kerameta neteweya xwe bike. Lê di serdemê îro de diviya em vê yekê ji bîr nekin ku renge hêzên dijî miroviya rejîmê bikarin bi mifahstandina xirab ji çekên giran û pêşkevî berengarî hêzekî çendkesî a Pêşmerge bibin, pîrsek ku di derbasbûyî de, hatiye selmandin ku hêz û baweriya hêza Pêşmerge di wî warî de, hêzên dijî gelî tûşî şikestê anîye.

Lê rejîm nikare pêşiya deng û reng bigre ku niha bi hebûna Înternê û setelaytê mêvanê tev xelkê Kurdistanê ye. Çeka bi bandor û roxêner ku tu balafir, tank, top û qumpareyek nikare wê ji nav bibe. Ku wusan bû hêza Pêşmerge diviya bi naskirinek dîz û hûrbînane li guhertinên herêmî û cihanî li tev potansiyelên xwe bo teyarkirina xwe bi çekên zanist û hizirvaniyê mifahê werbigre û pêka serdem û guhertinên siyasî û çandî û zanistî, hêza xwe nû bike û pêşengê pênaseya netewî a xelkê kurd di Kurdistana Îranê de be bo hiloşandina rejîma dîktator a Komara Îslamî a Îranê û bi destveanîna mafên berheq ên gelê xwe ku zêdeyî 61' salan e xebatê bo dike û xwînê jêre dide.

10'ê Desamberê, roja cîhanî a mafê mirov



Siyamend Terbî

Roja 10'ê Desamberê jî bo çalakvanên mafên mirovan wek rojekî girîng xwe dide holê. Ji ber ku di wê rojê de yek ji bûyerên herî berçav di dîrokê de hatiye tomarkirin. Bûyereke ku 62 salan berî niha di biryarnameyekê de bi hejmar 217'an di koma giştî a Saziya Netewên Hevgirtî de kete ber basê, ku piştî pejrandinê li jêr navê Danezana gerdûnî a mafên Mirov hate weşandin. Enor Rozwilt, Serokê wê demê ê

komîsiyona Mafên Mirov a saziya Neteweyan, ku berpîrsê berhevkirina wê belgeyê bû, paş pejrandinê wê belge û seneda bingehîn a mafên mirov a cîhanî, ew yeka wek "Magna Krta" yan Menşûra mezin a Mirovayetiye dazandin. Danezana han di roja 10'ê Desambera 1948'an piştî çend rojan nîrxandin û pêkanîna hin guhartinên biçûk, di kora giştî de kete ber dengdanê û bi 48 dengên erê, 8 dengên bêalî û bi bê dengên dijber di kora giştî a saziya Neteweyan de hate pejrandin.

Li wir şûnde Danezana gerdûnî a mafên mirov wek pîvana hevpar a pêşveçûnê jî bo tev mirovan û tev netewên Cîhanê hate pejrandin.

Danezana Mafên Mirov li Parîsê di kora giştî a saziya NY'ê de hate pejrandin. Serokê giştî ê rêxistina Neteweyên yekgirtî, wê demê "Trygve Lie" ê Nûrwêjî bû ku ji sala 1946'an heya 1952'an ew posta li stû bû. Heya heyamekê "Rinê

Kasin", ê mafnasê Feransewî ji danerên sereke ên wê belgeyê dihate hisêb, lê îdî tu şik û guman têde nîne ku "Can Hamfirî" ê Kanadayî 1905 - 1995'an, mamostayê zanîngeha Mek Gîg di Maf û Zanista Siyasî û Endamê

Mafên Mirovan a Saziya Neteweyan, yekem rûpela wê belgeyê nivîsî û jî "Rinê Kasin" wek nivîskarê rûpela duyem tê birandin.

"Enor Rozwilt", "Çang Ping-Çon", Filsof, diplomat û şanonivîsê Çînî, û Şaril Hebîb



Malik filsof û diplomatê Lubnanî di berhevkirina wê belgeyê de rolekî sereke û berçav hebûn. Rinê Kasin rolekî sereke di berhevkirina tevaliya belgeyê di sê civînên Komîsyonê û civînên pêragêştina bi wê senedê list. Bi baldan bi serdemê ku dijberiyên du kempên rojhelat û rojava ber bi xurtbûnê diçûn, Enor Rozvilt bi mifahwergirtina ji hitbar û hurmeta berfireha xwe karî wê belgeyê bi serkevîna ve bigehîna encamê, Çang di demekê de ku hizra li berberd gehîştina Komîteya han dihatêkirin, bi peydakirina rêkarên necihê bawerê ew rizgar dikir û Malik ku bir û raya felsefî a wî li ser bingeha yasaya xwezayî bû, di rewşgerî û hûrbîniya naveroka bingehina wê belgeyê de rolekî girîng hebû.

Danezana Gerdûnî a mafên mirovan destpêk û benekî daxuyaniyê û 30 madeyan ji xwe digre. Ew Danezana heya niha bi 375 ziman û zaraveyan hatiye wergerandin û bêtir ji her belgeyek dinê serdana wê hatiye kirin. Yekem Madeya wê Danezanê tekezê li ser esla hêsiyet û keramîta mirovî a her Mirovekê dike û wê wek parekî zafî û ne cudakirî ji mafê mirovan dide naskirin.

Heya niha nivîsa herî kevnar ku tekezê li ser berçavgirtina maf û azadiya mirovan kiribe, Menşûra Korûş e. Em mêze dikin ku di dewrana modern li Ewropa û di serdemekê de ku bi serdemê rewşgerî tê naskirin, filsof û bîrmendan dest bi nivîsîn û komkirina hin bîrokeyan di biyavê esliyet û çavaniya mafên mirovan kirin û bi weşandina mijarên mîna Yasaya Xwezayî, wek sembola berhevkirina belgeyên mîna Menşûra Mafan li Ingilîstanê û Menşûra mafan li Eyaletên Hevgirtî ên Amerîka û daxuyaniya mafên mirov û hevvelatîyan li Feranse xwe dane holê.

Pêdvîbûna bi senedê navnetwî bona piştewaniya ji mafên mirovan di seranserê şerê cihanî ê duyem dihatê sehkirin. Binpêkirina berfireh û berdewama mafên mirov di serdemê şerê cihanî ê duyem mîna nivîskujîya Cihû û Koliyan û kuştara Komonîst û nêrbazan bi destê Nazî û Faşîstan, pêdvîbûna alaveke navneteweyî ji bo berahîgirtina ji binpêkirina mafên mirovan pêk dîna. Cihgêrkirina madeya cîniyeta li dijî mirovahiyê di Menşûra dadgeha nîzami a navnetewî jî ku Mehkemeyên Nurimbîrgê bi div xwe de anî, hewceyî a bi bersivdarkerîna binaskarên wan kiriyarane di asta navnetewî de û cûda ji yasayên hundirî ên welatan hetmîrî kir. Her wê demê amadekarên Menşûra Programa Saziya Netewê ên hevgirtî jî cehd dikirin di navbera berahîgirtina ji şer û mafên bingehîn ên mirov peywendiyêke dualî saz bikin. Du eslên han pabendîya bi hêsiyeta zafî û ji hev cudanekiriyên tev mirovan, û bawerîya bi nebûna ferq û cudahiyan di navbera mirovan rîha sereke û zal li ser daxuyaniya cihanî a mafên mirov pêk tîne.

Danezana mafên Mirovan xwediyê 30 madeyan e ku hin mafên bingehîn ên sivil, siyasî, aborî, civakî, û çandî ji xwe digre. Madeyên 3 heya 21 an qala mafên siyasî û sivil dike ku mafên mîna qedexa bûna îşkence, an mafê beşdarî a hevvelatîyan di hikûmetê de têxe berkes. Madeyên 22 heya 27 an basa mafên aborî, civakî û çandî dike. Mîna mafên hebûna kar, mafê avakirin û beşdariya di yekêti û civatên sîvîl û mafê beşdariya azad di jiyana çandî a civatgehê. Wî mafî pêwendî bi beşdarî û destpêragihîştina tev mirovan bi huner û rolê wê di kemilîna kesatiya mirovî ve heye. Ew madeya han di gel madeya 26 an yek ji armançên sereke ên perwerdê eşkere dike.

Yek ji van kêmasiyên ku Danezana gerdûnî a mafên mirovan bi xwe ve mêze kiriyê, pabend nebûna welatên îmzakerên wê bi çibçikîna wê tê hisêb. Wate çibçikîna madeyên wê nehatiye îcbarkirin. Vir de em mêze kin ku zaf rejîmên totalîter û serberedayî bi hêceta berahîgirtina ji destêwerdana di kar û barên hundirî li ser wê yekê tekez kirin û welatên demokratîk jî di wê yekê de gumana awayekî destêwerdanê dane holê.

Hin Welatên Îslamî jî Danezana cihanî a mafên mirovan belge û senedekî ne tewaw dihesibînin. Ji ber ku bi raya wan ve Danezanê pîrsên Çandî û Olî ên Welatên Îslamî berçav negirtiye. Yek ji wan rejîmanê di 30 salên borî de rejîma Komara Îslamî a Îranê bûye. Di 30 salên borî de hertim mafên mirovan ji aliyê wê rejîmê ve wek alava destê rojava û Îstîmara çandî de hatiye hisêb. Bi awayekê Xumênî mafên mirovan bi alava siyasî û deselaxwaziya Istikbarê da zanîn û yek ji nûnerên Rejîma Komara Îslamî di Saziya Netewên Hevgirtî de Danezana cihanî a mafên mirovan, encama dîtineke sekolar ji ayînên Cihû û Fele anî hisêb ku di gel yasayên şerîetê Îslamê di dijberiyê deye.

Di meha Joena sala 2000 an de welatên bisulman ên endamên saziya Kunferansa Îslamî, ragehandina mafên mirovên Îslamî li Qahirê pejirandin. Zêdebarê rexne ên alî û taqîmên cûda ji danezana cihanî a mafên mirovan, ew Danezana her wusa heya îro take belgeya cihê pejirandina civaka cihanî di biyavên hiqûqî û elxaqî de bûye û aligir û berevankarên mafên mirovan li ser cî bi çikîrin û berçavgirtina madeyên wê Danezanê tekezê dikin û hêviya çhanekî bi aştî û bi dîr ji ferq û cudahî, tund û tûjî, û belengazî dikin.

Jêder : VOA



Guhertina muhreyan derdê rejîmê çare nake



Selîm Zencirî

Menûçêhr Mutekî, Wezîrê Karê Derve yê Îranê li halekê de ku li meimûriyet û dîdarek fermî û diplomatîk li Sengalê de bû, ji aliyê Mehmûd Ehmedînijad ve ji posta xwe hat avêtin. Gavek ku gelek kes û nemaze Mutekî bi xwe jî heyrîmayî û ecêbgirtî kir.

Mutekî 7'mîn Wezîr e ku ji hêla Ehmedînijad ve tê wêdebîrn. Bi van karan jî her roj desthîla wî zêdetir, hikûmeta wî jî yekdest û nîzamtir dibe û şêtane sermestê hêz û desthîla dîktatorane a xwe dibe û jî rastî û realîteya siyasî dîr dikewe, her ev rîftar û kiriyarane jî bûne sedem ku kêşe û seqarên navbera wî û desthilatdarên din de bi taybetî Meclîs û dewletê de xurtir bibin.

Mêjdem bû ku hest bi hebûna kêşeyan li navbera wî û Mutekî de dihatkirin û li ser vê hesabê, ger piştewaniya Rêberê Komara Îslamî ji Mutekî nebaya, dê gelek zûtir bihatiba derxistin. Jiberku çend mehan berî niha Ehmedînijad gelek jî selahiyet û ixtiyarên Wezîrê Derve kêmkirin û nûnerên taybetî yê xwe ji bo pêwendiyên derve li devera Rohîlata Navîn û Efxanîstanê de destnîşankirin. (Sfendiya Rehîm Meşayî weke nûnerê taybetî ê xwe li kar û barên Rohîlata Navîn, Hemîd Beqayî, nûnerê taybetî li kar û barê Asiya, Muhemed Mehdî Axundzade weke nûnerê taybet li karê Behra Xezir û Ebulfezl Zührwend jî wekî

nûnerê taybet li kar û barê Efxanîstanê).

Herçiqas ku paşan bi dijberîya riyakarane ya Xamineyî û hişdariya nivîskî a 122 nûnerên meciisê, Ehmedînijad neçar ma ku pileya wan ji nûneratiyê bo Şêwirmendiyê kêm bike, lê dijberî û nakokiyên navbera wî û Wezîrê Derve her man. Nemaze gelek kesên nizîk ji Ehmedînijad ve dawiyê hişdarî dabûn ku ger NY tehrîmên xwe li dor pirogramên navikî li dijî Îranê berfirehtir bike, Mutekî divê bersivder be. Ew jî li halekê de ye ku Wezareta Derve bi vî re nerabûye. Li hember de jî gelek ji karnasan li ser vê baweriyê ne ku ev guhertîna nişan ji tesîr û derketina pêtir a meseleya etomî ya Îranê li siyaseta Derve de ye. Diyarîkirina Elî Ekber Salihî, Serokê berê yê rêxistina Enerjiya Etomî û balyozê Îranê li ajansa navnetewî a Etomî de jî eyankerê ve yekê ye. Bi taybetî ku qerare gerek nû ji got û bêjan li meha janurariyê de li dor pirograma navikî a Îranê li Jinêvê de birêve biçin û hêj nediyare ku guhertina wan muhreyan çiqas dikare pêşîya tehrîmên pêtir de bigre û bikare heya qasekê guman û nîgeraniyên civaka cihanî verewîne.

Herweha eşkerebûna belgeyên Wikîlîksê li dor nîgeranî û dujminatiya cîranên ereb bi nisbet Îranê û berfirehbûna şeqara navbera wan de bi şikista siyaseta derve û lawaziya diplomasiya wê didin zanîn û her wekî Malpera Tirîta Parsî gotiyê kesek divê bac û tawana ve şikestê bide ku ew jî Mutekî ye.

Avêtina Mutekî ji Wezareta derve, nişan dide ku heta muhreyên girîng ên rejîmê jî, çiqas xizmet kiribin, ger ku rayek cûda ji ya wan hebîn, yan bejna xwe li hember wan û biryarên wan de netewînin û belê lebêyan nebêjin, dê

rûş û bi kesatiya wan bê listin. Vêca çî bigihîje xelkê asayî û reş û rût. Mûsewî, Kerûbî, Muntezirî, û ...jî mînakên zîndî ne.

Bi giştî avêtin û rakirina Mutekî ji siyaseta Derve ya Îranê de xincî bihêztirbûna Ehmedînijad û serkevîna wî bi ser rexnegirên hikûmetî de, dikare îşareyek be bo listina maşkanê û senaryoyek din li qada navnetewî de bo xelîtandina wan bi armanca kirin û xesarkirina demê, lê berevajî xweş xeyaliya wan, ev guhertîna ne dê ji bo kirîza kirîza navikî tesîrêk wusa erênî a berbiçav hebe, ne jî dikare herbarê bide Komara Îslamî, ne jî dikare rûçîkê kotî kotî û nehez yê rejîmê şîrîn û bedev bike û ne jî dikare ji nîgeraniyên navnetewî derheq metirsîdarbûna rejîmê û pirogramên navikî yê wê û siyasetên serxwazane û terorîstperwerane yê wê kêm bike, ne jî dikare birîna kûr û derdê rejîmê çare bike çunka cihan êdî bi wan hesiyaye û dizane rejîm çî dişopîne û dixwaze çî bike.

Helbet eva jî rast e ku Mutekî bi xwe jî kesatiyek balkêş û hebînk nebû û nekarî li nawend û qadên diplomatîk de hitbar û bawerîya bi xwe misoger bike û ew kum û kilawê cihanî rejîmê bo civaka cihanî dirûbû, bi lêzanî û cûwani bixe serê wan.

Lê ya rast ev e û her kes jî dizane ku siyaseta derve ne ji aliyê Wezîrê Derve ve tê darêtin û ne jî biryarder in, belkî her tişt jî hêla rêber û Wilayeta Feqîh ve tîne diyarîkirin û çarçove û dorhêlek diyarîkirî bi xwe heye ku dîre jî hêz, selahiyet û îradeya wezîrekê. Lewma ev serketina Ehmedînijad de bi xurtbûna desthilata lêşkirî a wî re alîkar be û ve nîgeraniyê jî zêdetir dike ku dest bawêje karên metirsîdardirî û bi dewleta xwe a tewaw nîzami bibe gefek kuntîrolnekirî li ser ewlehî û asayîşa cihanê.



Hovîtiyek Eşkere û Ragihandinek Bêsermane



Ceifer Mubeşirniya

Cudahî di navbera jin û mêran, tepeserî û bindestbûna jinan di hemû cihanê de hebûye. Lê bi derbasbûna demê û pêvajoya nûbûn û guhertina hizran berbi mirovserdestiyê, di piraniya welatan de jinan geşekerine berbiçav bi xwe ve dîtî. Lê hikûmeta kevneparêz û diktator a Îranê heya niha jî li hember pêvajoya han çepê girtiye û di hemû warekê de jin çend pileyan ji mafên xwe dûrtir xistiye.

Ehmedîniyad û hevbrîn wî di dema bidesthilatgihîştina xwe de, bas ji pîrsa cudahiya jin û mêran "tebîz" ê kirin, ji bo ku bala xelkê bawirmend bi mafên jinan ji qetistirkirina

komkirina deng û xwastên mafê wekhevîya jin û mêran gihandin encamê. Di heman demê de jî desthilatdarên dijî jin ên hikûmeta Îranê bi pîlanek darêti ve, kakila wê xwasta pengurî di singê xelkê mirovserdest yê Îranê de ji riya wan çalakîyên jinan ve, bidest xistin û di rastî de jin xistin telika hovane ya xwe.

Li wir pêde, tepeseriya nemirovane ya jinan ji aliyê desthilatdarên Komara Îslamî ve derbazî qonaxek hovanetir ji caran bû.

Destbiserkirina dehan jinên pêşeng û çalak di vî bizavê de û di encama wê pêvajoya destbiseriya wan de bi hemû şîweyên sivikati û bêhurmetikirinê (bi xeyala xwe - serşorkirina wan di nav civakê de-) îşkence û îdama van bêsermane birêve bir. Bi vî çendê jî vî

rolê wan di desthilata siyasî de, geşenekirina hizra mafê jinan di xweseriya abûrî de, nebûna derfet û îmkantên pêwîst bo şekilgirtina rolê jinan û mifahstandin ji cewher behreya wan di qada kar û barên çandî de ne tenê geşekerine bi xwe ve nedîtin, belkî di nebûna heman mafan de pîrsgirêkên din ên weke fesada exlaqî, îtiyad, bazirganiya bi wan re, helatina keçan ji malên xwe, daketina amara zewacê, jordeçûna hejmara jihevveqetiyane, belavbûna nexweşiya îdz "HIV" ê, nedarî, bêkarî, nebûna ewlehiya malbatî xemsarî û nebûna di çawanîya pewderkirina zarokan ji aliyê dayîkan ve, zêdebûna zarokên bêserperest ku hemû ewane girêdayî bi moral û evîna jinan bi jiyaneke serbest in, bi lezek zaf pêlên xurtên xwe davêje ser reşsa civakê di giştî Îranê de.

Komara Îslamî pîr baş jî vî reşsa neasayîye civaka Îranê haydar e, lê guman tune ye mirovên ku bi destên xwe wan pîlan bo xelkê xwe dadirêjin, ji wan mirovan in ku bihêzbûna desthilata xwe, di tepeserî û belengaz hiştina xelkê xwe de dibînin. Lewma Serokkomarê hikûmeta genî a Komara Îslamî liber çavên civaka cihanî bi giştî û civaka Îranê bi taybetî, bêsermane înkara wê zolm û hovîtiya derheq jinan ku rojane xelkê Îranê bi çavên xwe dibînin û civaka cihanî jî ji riya ragihandinan ve jê bêxêber nîne.

Di rewşek wiha de ku di navbera diwê û rastiyan de cudahî tune be, man û neman jî dikeve destê qederê. Lê zû yan direng, ne xelkê Îranê çarenivîsa xwe dixê destê qederê, ne jî civaka cihanî ligel tevlihevkerina diwê û rastiyan desthilatdarên Komara Îslamî dê hev gav bimeşe.

Ji ber ku keç im

W: Hemîd Moxtarî

Diya min çavekê wê nebû, dema zarok bû li bûyerekê de çaveke xwe ji dest dabû. Ez li pola sê ya dibistanê bûm û Eliyê birê min jî pola yekem. Ji min re rûmetê diya min normal bû û dema min wênaya wê dikîşand, tu caran ez haydarê kêmasiya rûmeta wê nedibûm û min herdem du çavên wê dikîşand. Tenê li nav otobûs yan li şeqaman de dema zarok û dayik û bavên wan bi awayek ecêbmayî mîzeyê diya min dikirin û dayk û bavên ku hewil didan bersiva pîrsên zarokên xwe bi awayekê bidin ku diya min haydar û nerehet nebe, ez jî vî pîrsê haydar dibûm û carna dihat bîra min ku diya min tenê çavek heye.

Rojekê birê min ji dibistanê vegehiya mal û bi dîtina diya min, dest bi giriyê kir. Dayikê ew heband û sedema giriyana wî pîrs kir. Birê min tenêsa xwe ya wênayan nişanê wê da, dayikê bi dîtina wêne tûşî kelogiriyê bû û hewl da pêşiya giriyana xwe bigire. Dayikê defter danî ser erd û li ser çokan rûnişt û birê min hembêz kir û ew ramûsand û jêre got: sibê dê here dibistanê û bi mamostaya wênayê re qise bike.

Birê min rondikên xwe pak kir û bo aliyê kolanê beziya da bi hevalên xwe re bilîze. Dayikê çû nava çêstxanê. Min xwe xwar kir û defter hilgirt û mîzeyê wênaya birê xwe kir û ew dem min cudahiya navbera keç û xortan zanî.

Mijara wênayê, kişandina rûmetê endamên malbatê bû. Birê min wênayê diya me li halekê ku destê me girtibû, kişandibû. Wî çavek dadê nekişandibû û wek bazneyek reş derxistibû. Mamostayê wênayê bi pênuşa xwe ya sor hêlek dewra bazneyê kişandibû û li jêre de poena 10 li ser 20ê dabû birê min û nivîsandibû: kurê min hûrbîn be, her mirovek xwedî du çavê.

Bi dîtina wênayê rondikên min hatin xwarê, kerbê min jî birê min vebû, çûme çêstxanê û min diya xwe ku mijûlê qijandina piyazê bû, li piştve hembêz kir, wê ez hebandim, min got: "Dayê çima her dem ez wênaya te dikîşînim, bi kemilî dikîşînim, ez jî birê xwe bêzar im û ez giriyam."

dadê mîzeyê min kir û bi destên xwe rondikên min pak kirin û got: "Ez qorban negirî, nabe tu ji birê xwe aciz bi ew kur e, Kur rastbîntir in ji keçan, ew her tiştî wek xwe dibînin, lê keç çawa pê xweş bin, dibînin." Piştê ez ramûsandim û got: "baştir e tu jî hîn bi niha pêde wênayên xwe dirust bikîşîni."

Sibêdeya roja din ez û diya xwe çûn bo dibistana birê elî, zenga bêhnvedanê bû, dadê çû bo odeya rêvebera dibistanê. Xatûna rêveber piştî silavkirin û halpîrsinê ligel diya min, sedma hatina wê pîrs kir. Dayê jî re got ez hatime da mamostaya



wênayê ya pola yekem bibînim. Rêveber pîrs kir tiştê qewimiye, xwedê xêr ke? Dayê got: ne, tenê hev dikim wê bibînim, ez hemû mamostayên kurê xwe nas dikim, ji xeynê mamostaya wênayê, lewra hatime da wê jî bibînim.

Rêveber dadê bo odeya ku gişt mamosta li wir rûniştibûn, rênimayî kir: Li wir îşare bi xatûneka ciwan û spehî kir û got: "Ew xatûna, mamostaya wêne ye," ji mamosta re jî got, "Ev xatûna diya Elî ye."

Dayê destê xwe bo aliyê mamostayê wênayan dirêj kir, dema em çûn jorêmamosta li halê çaxê vexwarinê bû û rabû ser piyan û koşinek derewîn kir û bi diya min re dest da. Bo çend çirkeyan daykê û mamosta mîzeyê hevdu dikirin, daykê got: "Keyfxweş im bi nasîna we." Mamostayê nîgarkêşiye jî got: "Ez jî herwiha, daykê ligel mamostayên din jî silav û hal pîrsî kir û daxwaza lêborînê ji wan xwast ku dema wan girtibû û xatrê xwe jî wan xwast û em derketin. Mamostayê wênayê piştî daykê jî odê derkevt û li halekê ku dengê wê dilêzî, got: "Xatûn min nedizani..."

Daykê gotina wê birî û got: "Daxwaz dikim kerem kin vegerin jorê, dê çax sar be, mamosta gaweke hate pêş û xwast tiştê bibêje ku daykê got: "Ez bawer dikim nimreya 10 ji bo rastbîniya zarokê pîr kême e, ne wusan e?" Mamosta got: "Belê, hûn rast dikin." Mamosta du destên xwe dirêj kir û vî carê bi du destên xwe destên daykê girt û givişand. Daykê xatûna rêveber jî xatrê xwe xwast.

Piştînivroya wê rojê, birê min li halê kêfxweşî û reqşînê de hate jorê, dema çavê wî kete daykê, deftera wênayên xwe vekir û poena xwe nişan da. Mamosta hêlek li ser nimra wê ya berê kişandibû û poena 20 jêre danibû.

Dadê jî ginişî û hebekê pêkenî ew ramûsand û got: "Belê wênaya kurê min pîr ciwan e! û bi awayekê ku birê min hest neke ji min re çavek niqand û got: ne wusan e?"

Min jî got: belê pîr ciwan kişandiye, lê dengê min leizî û min nekari pêşiya giriyana xwe bigirim. Birê min got: "Tu çima digirî," min jî bersiv da: "Ji ber ku ez keç im!!!!"

Çavkanî: www.charismaco.com



desthilatê ve ber bi dinyayek binav dadperwerane bibe, ku derfetek din bo xapandina xelkê û bi pîlanek nûtir ve li dijî geşekerina jinan derkevin holê.

Di wê fersendê de jinên mafxwaz bi piştevaniya mîrên bawirmend bi mafên wekhevîyê deriyên daxistî li ser hin erênî de vekirin û bi hewildan û nişandana hin çalakîyan di vî de kempêyna 1' Wajoyan weke

desthilatê him bo carek dinê hovîtiya xwe nişanî civaka cihanî da, him jî karî bi awayekê pêşiya bihêzbûna xebata veşartî ya jinan û pengurîna pêtir a hêvî û xwastên wê qata girîng a civaka Îranê bigre û ji îmkana teqîna bihêz û giştîgir ya bizava jinan di hemû Îranê de kême bike.

Li kêleka birêveçûna wê pîlanê de jî pîrsên sereke ên jinan weke nebûna

Şehîdên Me Rûmeta Me ne



Mecîd Cinîkanlo

Sipêdeya roja Şemiyê, 20'ê Çiriya Paşîn, kesayetiye naskirî û yek ji fermanderên hêza pêşmergeyên Kurdistanê li Herêma Makuyê bi navê Hesên Hesenzade, naskirî bi Hesê Celalî koça dawiyê kir.

Kek Hesên Hesenzade kurê Hecî Ebdulla (Hecî Ewdo) sala 1329'an li malbatekî şoreşvan û naskirî li gundê "Yarmiç" a ser bi bajarê Makuyê ji dayîk bû. Navbirî hetanî dîplomê li bajarê Makuyê dirêjî da xwandinê, û piştê li sala 1357'an digel bavê xwe yê şoreşvan, piştî çûna bo bajarê Mehabadê û dîtina Rêberê Neteweya me, Şehîd Dr. Qasimlo, tevî hêzên PDKÎ bûn û kek Hesên wek fermanderê Hêza pêşmergeyên Makuyê dest bi xebat û têkoşinê li hember hêzên Komara Îslamiya Îranê de kir. Şehîd Hesên li herêma Makuyê li praniya çalakiyên Hêza pêşmerge li dijî hêzên Komara Îslamiya Îranê li vê herêmê, wek fermanderê

xwedihêz û xwedî îman dirêjî da xebata xwe ya pîroz, û zor destanrêsiyên mezin afirandin. Li dema bombebarana gundê Yarmiçê ku binkeyên pêşmergeyan têde bûn, xûşka kek Hesên bi navê Golê Hesenzade şehîd dibe û piştî demekê birayekî Şehîd Hesên bi navê Îbrahîm Hesenzade ku pêşmergeyê PDKÎ bû, li Herêma Çaldiranê şehîd dibe. Lê şehîd Hesên qet dest ji xebatê hil nagire û bo rêvebirina kar û barê PDKÎ diçe Herêma Urmiyê û li Herêmên: Enzel, Geliyê berdereş û Somayê xebata xwe ya pîroz dimeşîne. Piştî heyamekê li ser daxwaza Şehîd Dr. Qasimlo vedigere Herêma Makuyê û li wir dirêjiyê dide xebata xwe.

Mixabin li 29'ê meha Julay a sala 1984'an de, Şehîd Hesên dikeve destê Hêzên rejîma Turkiyê û bo heyamê çar salan li girtîgeha bajarê Agiriyê de destbiser dibe. Piştî heyamekê Hêzên Turkiyê dixwazin navbirî radestî Hêzên Komara Îslamiya Îranê bikin, lê şehîd Hesên bi zîrekatiya xwe ji destê Hêzên Turk direve û xwe radestî UN'ê dike û paş heyamekî wek penaber bo welatê Fenlendê diheşandin. Navbirî Heta dawiya

jiyana xwe, xwe wek pêşmergeyê rêbaza Qasimlo dizanî û hêviya wî ya herî mezin azadiya Kurdistanê û rizgariya Neteweya Kurd bu.

Piştî çûna Şehîd Hesên bo welatê Fenlandê, bavê Şehîd Hesên û malbata wî kevtime ber êrişa Komara Îslamiya Îranê û bavê wî bi sedemê hevkarî û pêşmergeyê PDKÎ, bi neçarî welatê xwe bi cih heşt û çu Turkiyê û li gundekî bajarê agiriyê de akincî bu.

Piştî mirina şehîd Hesên, li ser bingeha wesiyeta wî, termê navhatî bo bajarê Makuyê hate birin. Bi dîtina heşimeta xelkê Herêma Makuyê ku ji bo pêşwazîkirina ji termê şehîd Hesên hatibûne sinorê Bazirganê, tirs û lerez kete cestayê wan yê helwşyayî, û roja Sêşembiyê 16'ê Sermawezê, çar kes ji endamên malbata şehîd Hesên bi navên: Elî Hesenzade (birayê Hesên), Mihemed Hesenzade, Qûtbedîn Hesenzadê (apê Şehîd Hesên), û Xalê Hesenzade û dayîka bi temen ya Şehîd Hesên, destbiser û bo îdareya Îtîlaata bajarê Makuyê hatin şandin. Hêzên dijîgelî yê Komara Îslamiya Îranê her vê şevê, dûr ji çavên Xelkê li demjimêr 3'ê şevê termê Şehîd Hesên bi alikariya çend Çaşan li goristana gundê Yarmiçê anîne derê û bo îdareya Îtîlaata Makuyê birin û roja paştir seat 10'ê serê sibê 4 kesên destbiserkirî serbest berdan.

Bê gûman Hêzên Komara Îslamiya Îranê li vê rastiya dîrokî têgehîştin ku şehîdên Neteweya Kurd û xebatkarên vê neteweyê û bi xasmanî PDKÎ tû car di hizra xelkê azadîxwaz ê Kurdistanê de dernakevin, û şehîdên gelê Kurd taca serberziya wî gelî ne. Hezkirina xelkê Makuyê ji pêşmergeyan, û beşdariya berçav ya Azeriyan li pîrse û înana termê şehîd Hesên de bibû sedema eşandina rejîmê. Levra ji wan dest bi derxistina termê wî şehîdî kirin. Ev karê hovane yê



Şehîd Hesên Hesenzade

Hêzên Komara Îslamî, yanî derxistina termê şehîdekî, pêka Îslamê jî karekî narewa û dûr ji exlaq e, û vê yekê dide selimandin ku Komara Îslamî li termê pêşmerge jî ditirsin û tûcarî pêşmerge ku paktirîn xortê vê neteweyê ye, di dilê ax û xelkê Kurdistanê de bînin derê.

Pêşmerge sembola xebata rewşa gelê Kurd li dijî dagîrkerên Kurdistanê ye û rejîma Îslamî bi xeyala xwe bo vê yekê ku û xebata rewşa ya wan di hizra Kurdistanê de derxin, rehme bi termê pêşmergeyan jî nake, lê şehîdên Kurdistanê li rêbaza xwe zindî ne, û bi hezaran xortên neteweya Kurd, rêbaza wan didomînin.

Xelkê seraserê Kurdistanê û bi xasmanî bajarê Makuyê bi deyan sedan xortên xwe li pêxema serberziya neteweya Kurd gorî kirine û bi sedan ji wan şehîdan niha jî cihê bi axêspartina wan nediyar e, û ji aliyê hêzên Komara Îslamiya Îranê ve hatine bêsêr lê rêbaza wan, rêbaza Hemû Xelkê Kurdistanê û welatparêzên Kurd Namirin ewên ku di dilê gelê de dijîn.

Silav li riha pak a hemû şehîdên riya rizgariya Kurdistanê.



Qebrê Şehîd Hesên Hesenzade (Mako)

Wîkilîks: Îran ji bo zewaca demkî(Sîxe) jinan dide şêxên ereb



Li gor belgeyek wîkilîksê, Hikûmeta Îranê bi armanca xurtkirina desthilat û pêgeha xwe li Îraqê de jinên Îranî bo marekirina demkî(sîxe) dide şêx û oldarên ereb.

Li wê belgeyê de ku şêxek ereb ji bo karmendek balayozxaneyê Amerîkayê

nivîsiye, Komara Îslamî ji bo bihêzkirina pêgeha xwe û razîkirina me li hemû serdanên me de jinan bo midehê demkî, anku zewaca demkî ji me re tînin.

Wî daye zanîn, dema ku em diçûn bo Îranê, me bi derdorên xwe re digot ku em ji bo çaresera nesaxiya xwe diçûn, le sedema sereke ya çûna me bo zewaca demkî û xweşiyê bû ku berpîrsên Îranî ji me bo amade dikirin.

Helatina salaneya 150 hezar bijardeyan ji cehenema Komara Îslamî



Li halekê de ku Wezîrê Îlûm û rayedarên din yê Komara Îslamî înkara helatina mejiyan li Îranê de dikin, endamêk parlemana Îranê da zanîn ku her sal 150 hezar kes ji bijardeyên welatî ji cehenema ku Komara Îslamî ji me Îranê re afirandiyê, direvin ku bi qasê 50 mîlyard dolar têçû li welatê re heyê. Behmen Ixwan, nûnerê Meclîsê li vê derheqê

de da zanîn ku pîrsgirêken gelek mezin li welatê de hene ku divê bihên çareser kirin ewcar em bîn basa meremdarkirina yanarayan bikin.

Wî da zanîn ku em li bikaranînê û mesrefa enerjîyê de em yekem in, li mesrefa Tiryakê de em yekem in, li helatina mejiyan û bijardeyan de dîsan em yekem in, li herêma kesb û kar û pişeyan de jî em li dawiyê de li pileya yekem da ne, li bûyerên hat û çûnê li cihanê de jî yekem in ku 25 mîlyard dolar têçû li ser aboriya welatê heyê û herweha li "rîsk" a aorî de li rêzbenda 140 an de ne.

Xwandevarên heja û giranqedir! bo vê hejmarê Rojnameya Agirî, me hevpeyvînek taybet derheq jiyan û xebata çandî û hunerî a helbestvan, stranbêj û şarezayê dîroka mosîqaya Kurdî, hunermenda herî heja û naskirya Rojhelata Kurdistanê, Kejal Ademî re çêkirîye. Emê bi hin pirsên taybet derheq bi aliyên cur bi cur yên xebat û tekoşîna hunerî a hunermend Kejalê, zanîyariyên zêdetir bidin we. Kerem kin em û hûn bihev re hevpeyvîna han bişopînin.

HUNERMEND KEJAL ADEMÎ:

Hejmar 149, 22'ê Çîleya Pêşîn a 2010

HÊVIYA MIN EW E KU BIBIM DENGÊK JI BO VÊJEYA JINAN

Hevpeyvîn: Dara Natiq



Berî her tiştî em dixwazin hunermend Kejalê ji zimanê xwe ve bi xwandevarên heja yên Agirî re bidin naskirin?

Silavên herî hejaye min pêşkêşî we xebatkarên birûmet. Ez Kejal Ademî, ji malbatekî şoreşvan li bajarê Seqiz a ser bi Rojhilata Kurdistanê hatime dinê. Min zarokatiya xwe li vî bajarî de borand. Li xwandingehê de, hin caran di warê sirûd û maskanêya zarokan de tekoşîna min dixuya. Ji rêya dîwana helbestvanê kurd Qanii ve ez hîni xwandin û nivîsîna zimanê kurdî bûm û hestê min tevî çîhana helbestê bû û min pêniisa helbest nivîsîna girte destê xwe. Bi hegera jiyana siyasî a dê û bavê min, heya jiyê 15 salî û dîr ji wan li bajarê Seqizê jiyana min qediya û piştê sala 1998'an ez ji hembêza welêt dîr ketim û min jiyana tarawgê girte pêşberî xwe û niha jî li welatê Swêdê dijîm. Min xwandina xwe a bilind di warê

civaknasiyê de bidawî kiriyê û herwisan di warê dîroka mosîqa û têkiliyên mosîqayê û siyasatê bi hev re, li zankoyê xwandiye.

We çima jiyana hunerî yan ew rêbaz girte ber xwe?

Her li wê roja ku min xwe heya niha, ez hogirê helbest û hunerê bûm. Temenê zarokatiya min bi tenêti derbas bû. Li çîhana paqij a zarokatiya xwe de min koşkek ji helbest û sitranan ji xwe re ava kiribû. Her bi wê hestê han we jiyê min derbas bû û ketim xeyala firîn ber bi esmanekî ve. Dema ku dilê mirov bi qîsan hatibe dagirtin, mirov bi hemû awayekî dixebite ku wan bîne ziman. Di rastî de helbestên min handerek bûn ji bo ku ez tevî çîhana sitran gotinê bim. Mosîqa hajeya dilekî teji ji hest e û helbest jî dengvedana sehêkî bisoz e. ku pişkoya helbest û mosîqayê

bihev dîkine semayê, vê demê ciwantirîn peyv xwe di hembêza sitranekê de didin eyan. Sitran gotin vê delivê min re diafirîne ku helbestên xwe bi awayekî nazik û bedev bigehînim guhê guhdaran.

Hûn hunera Kurdî bi giştî çavan dinirxînin?

Di rastî de şiroveya çîhana mosîqayê ne karê min e. Nirxandina çîhana mosîqayê pêdivî bi zanîyariyên têr û teji di warê dîroka mosîqaya neteweya me li derbasbûyî were heya niha heye. Pirsê han divê ji şarezayên warê mosîqaya gelê me bihê kirin. Bi bawera min her hunerek, perwerdekiriyê serdemê xwe ye û rewş û zirûfa serdemê bandorek rasterast heye li ser guhartinên hunerî.

Ez hin perîşebûnê di mosîqaya îroya Kurdî de hîs dikim. Ez hîs dikim ku mosîqaya me di qonaxekî xwecerbandinê de derbas dibe û bi wî awayî ku hewce ye me tu pênasîyekî nû ji bo mosîqaya neteweya xwe nîne. Em hemî hez dikin ku tiştên nû biafirînin lê heya niha jî me rêya dîroka vî çendê peyda nekirye. Min nûjenî pê baş e lê ne nûjenîyek ku herifîner be.

Ez nûkariyekê bi serkevtî dizanim ku li ser bîngeha mosîqaya neteweya xwe bimeşe û zanîyarî û hişyarî hevênê sereke a guhartinan be. Em diviya cehd bikin ku pênasîyekî rohn û zelal ji mosîqaya Kurdî re çê bikin û bi piştgîriya mosîqaya gelêrî a xwe û bi mifahwergirtin ji ezmûnên mosîqaya neteweyên din, bo pêşdebirina mosîqaya xwe bixebitin. Bo gihîştin bi vî armancê rêyek dîr û dirêj pêşîya me ye.

We heya niha çend berhemên hunerî afirandine?

Heya niha min du albom bi navên ciwantirîn peyv "2006" û Welatê eşq "2010" çêkirine. Herwisan hejmarek berçav ji sitranên xwe min bi awayên kilîb derxistine. Piraniya sitranên min ji helbestên min in û armanca sereke a naveroka sitranên min, eyankirina seh û evîn û azadiya jinên civaka me ye.

Ez hertim cehd dikim ku stranên min rengvedana dilê xelkê me bin û basa rastîyên civaka me bike. Hêviya min ew e ku bikarim bibim hewarek ji bo wêjeya jinan. Ez ji dîrokê mifahê werdigrim û bo paşerojê dixebitim. Hêvî dikim ku bikaribim berhemên hunerî yên xwe bigehînim astekê ku nişfa paşerojê jî mifahê jê werbigirin.

Hûn di jiyana hunerî a xwe de, tu caran ji aliyê malbat û derdorên xwe ve hevrişî asteng û arîşeyan bûne?

Ez ji malbatekî ronakbîr û hunerdost de perwerde bûme ku herdem di warê hunerî de piştgîr û handerê sereke yê min bûne.

Pirojeyên we bo paşerojê çine?

Ez niha mijûlî tomarkirina berhemekî nû me û herwisan bi çêkirina berhemên alboma xwe a paşerojê jî mijûlî im.

Jiyana li xerîbî tarawgê çî bandorek li ser karê we yên hunerî hebûye?

Bi salan e ku ez li xerîbiyê de dijîm. Peyva xerîbiyê eyankerê zaf hestên din weke dîrî, cudayî û ji hemîyan giringtir tenêti ye. Bêşik hemî ewane dikarin afirînerê sedan helbest û peşanê bixeml û sehbizwên bin. Min jêveze zaf in mirovên vî serdemî ku hevrişî jana dîrîyê bûne. Mebesta min ne dîrîya welêt e, ez basa xerîbiya hindurê mirov dikim.

Basa min basa xerîbbûna min bi min re ye. Helbest û stran, pencereyek e ku di vir de mêzeza serpehatiyên xwe dikim û ew yeka vê delivê min re pêktîne ku ji xwe binêrim ka gelo ez kê me û li kuderê hatime û ber bi ku dimeşim. Xerîbî û jiyana di civakêkî namo de pêwendiyên navbera min û helbestên min xurtir kiriyê û naveroka helbest û stranên min jî bihêztir kiriyê. Helbest û sitran cihek e ku ez têde jiyane şirove dikim û vekolîne li çîhana der û dorê xwe dikim û diyarokên civakî dixim bin berçavkên lomeyan.



Ez Di Xewna Xwe De Diçûm Mirgewer

Kewêzer

Ez rabûm ser lingan û min rihek mezin da ber xwe, min şal û şepik li xwe kirin û şûtika xwe şidand, û rextê xwe girêda û çeka xwe avêt milê xwe. Hêştê şefeq ker nebibû û rojê nehelawêtibû ku min xwe tevlî refên hejmarek ji pêşmergan kir û em ber bi Mirgewerê birêketin.

Ew şefeqa ku me di dol û çiya û gelfî û nevalên sînor de kir êwar, carek din me êwara xwe bi rêçûn li deşta Mirgewer de kire şefeq û me deşt qedand.

Şeva tarî bi cismê westiyayî û zikê biçî...

Min digot ez birçî me hûnê kuda herin?

Gotin xorto, hêj dema rêçûnê ye. Hevalno xewa min tê, hûnê kuda herin?

Na lawo hêj dibe em şiyar bimînin. Wele ez westiyame êdî nikarim, ma hûn nasekinin?

Egîdo bimeşe hêj hêz di çûkên me de maye.

Dujminê me xedar e, ez ditirsim, hûnê kuda herin?

Were bavo hêj egîd nemirine.

Ez têhnî mel rawestin em qurtek avê vexwen, hunê kuda herin?

Lawo ava me hindik e û rêya me jî pir dûr û dirêj.

Egîdno! şeva reş tarî de, ez tiştêkê nabînim, hûnê kuda herin?

Na bimeşe, pêşeroja me ronî ye.

Ma qey hûn newestiyane, hûnê kuda herin?

Berxo, hêvî, mandîbûna me dihelîne,

em rêvîngên riya newestan in.

Ez dest ji şoreşê berdidim, ka bisekinin, hûnê kuda herin?

Xwendevano! hêj zimanê te bi Kurdî digere, gerek tu wê riyê bişopîn.

Deşta Mirgewer xwe qediya, êdî hûnê kuda herin?

Na tolazo! hêj ji bo deşta Tirgewer, Soma, Dîleman, Lacan, Nelên, Sindos, Şamat, Leylax, Mahîdeşt, Kamyaran û Berîmêrgan û ... pir maye.

Egîdno! bisenin bise, hûn dixwazin tev deştan biser bikin?

Fermander daxuyand: ji bo ku avek genî xwe paqij bike, dibe helm û diçe esmanan, paşan di şeklê baranê de dibare û kanî û rûbarandihirikîne û gol, derya û zeryayan diafirîne.

Em jî diçin ku bigîjin armancên xwe û ji îman û îrade û morala pêşmergane ya xwe, kanî, rûbar, gol, derya û zeryayan bikin ava jîhê ji gelê xwe re. Bila esmanê me 7 qat (tebeq) be, emê herin û herin û herin. Heya ku qehr û qîn, qirrîkirin û qat û qirî, qurbanî û qirêja qernê Qacar li ser esmanê welatê xwe hildin. Çimku wan qaz û quling jî ji esmanên me qirrî kirin, ji qîzên qelemqas û xortên qehreman ên me qesabxane ava kirin. Daku di qesr û koşkên qeşeng ên xwe de, qurûş û qirranên xwe qatqat bikin. Lê qehbe jî qeşeng in di qesran de qurûş û qiranên wan qat qat in, lê bê qedr û qîmet û bê qenaet in.

Wêca ez jî bimoral bûm û min saqên xwe hildan, rextê xwe şidand, bi gavên pir ji hêvî bi wan re ketim rê.

ZIMANÊ KURDÎ BÛYE BAZARA QEŞMERAN



Fûad Sîpan

Di pê ewqas ked, berxwedan, şer, tekoşin, gorî û cangorîyan, milletê Kurd xwe hê jî negihandiye azadî û serxwebûna xwe. Neyarên Kurdan mecbûr man hin parî û kerîyan biavêjin ber Kurdan û wan wek zarokan bi televîzyonan aşt bikin. Lê mixabin piraniya yê jî wan parî û kerîyan sûtê werdigirin ne ew kes in, ku bi dehsalan e bedelên giranbiha dane, ew kes in ku di jiyana xwe de ji bo Kurd û Kurdayetiyê tiliyên xwe nelivandine.

Bê guman hin tiştên baş jî hene û hêdî hêdî dertên pêşiya Kurdan. Wek mînak di trt 6ê de êdî hin bernameyên bi rêk û pê herwisa bi zimanekî baş têne pêşkêşkirin. Bernameya cîran cîran û bernameyên zanistî gelek kêfa mirovan tînin. Di Dunya tv de jî bernama Civat û Kilam gelek dewlemend e.

Lê bivê nevē qeşmerên ku zimanê Kurdî dilewitînin jî hene. Mixabin mekanîzma ku hê bikaribe li pêşiya wan qeşmeran bigire nîne. Belê temaşevan mekanîzma here mezin in û dikarin dengên xwe li dijî lewitandina zimanê Kurdî derxin û pêşî lê bigirin.

Ji ber ku ez televîzyonan temaşe

nakim, lê hin caran bi pişadî be jî rastî bernameyên qeşmerên ku zimanê Kurdî di televîzyonan de dilewitînin tîm.

Ez naxwezim bi giştî red bikim, lê di Dunya TV de bi taybet bernameyên şahî û mûzikê pir xerab û bi zimanekî pir nizim û lewitî têne pêşkêşkirin.

Divêt Dunya TV pêşiya van tiştan bigire û zimanê Kurdî ji destê wan qeşmerên bazirgan ku nizanin zimanê Kurdî bi kar binin rizgar bike.

Heger Dunya TV û yê din dixwezim xizmetekî baş ji milletê Kurd re bikin, divêt van rexneyan baş bidin ber çavên xwe û li gor wê jî tevbigerin.

Televîzyon ne wek tiştên din e. Divêt hemî bernameyên televîzyonê jî hêla ziman ve, çî ziman dibe bila bibe bi rêk û pêk be. Nabe bernameyek di warê ziman de baş be û bernameyên din jî di warê ziman de lewitî bin. Çimkî televîzyon eyna ye. Bi milyonan kes temaşe dikin û di bin bandora wê de dimînin. Ev bi taybet jî bo zarokan girîng e. Zarokê dema ziman di televîzyonê de tewşomewşo bibihîze, ewê jî wisa tevbigere. Ev jî dibe sedema xerabûna ziman.

Ez bangî dê û bavên Kurd dikim, ji wan hêvî û rica dikim ku nehêlin zarokên wan, wan bernameyên xerab di televîzyonên Kurdî û yê din de temaşe bikin.





Daxwaza rejîmê ji Turkiyê bo dana zaniyariyan li ser çalakên opozîsyonî li Ewropayê



Komara Îslamî ji dewleta Îslamî a Turkiyê xwastiye ku ji pêwendiyê xwe bi welatên endamê NATO ji bo komkirina zaniyariyên têkildar bi çalakên opozîsyona Îranê mifahê bistîne û wan bixe xizmeta Komara Îslamî de.

Berpirsiyarên rejîmê li dîdarên dîdarên xwe rayedarên Turkiyê Turkiyê re tekez li ser tesîr û bandora çalakiyên opozîsyonê li opozîsyonê li derveyî welat de bi de bi ser bûyerên hundurî welat welat bi taybet yêni piştî binav binav hilbijartina gera dehemin a dehemin a serkoariyê kirine û û nîgeraniya xwe ji pêşveçûna vê pêşveçûna vê pêvajoyê nîşanî wan dane. Li gorî malpera iranpressnews'ê, Wezîrê derve yê derve yê Turkiyê ji soza pêdeçûna bi vê xwasta Komara Komara Îslamî û bi taybet şexsê şexsê Ehmedînjad re daye. Ew Ew daxwaz li sefera par ya Erdoxan bi Tehranê dîsan hatiye hatiye kirin û Serokwezîrê Turkiyê ji soza bîçhanîna wê daxwazê daye berpîrsên rejîmê,

Nerazîbûna xelkê ji gelaleya meremdarkirina yanarayan



Li gel xistine warê piratîk a gelaleya meremdarkirina yanarayan li Îranê de hejmarek berbiçav ji hêzên komara Îslamî li cihên taybetî yêni Tehranê de amade bûn daku li egera her terze nerazîbûn û dijkiyarek xelkê de, wan tepeser bikin. Ev gelaleyê piştî 9 mehan li dema diyarîkirî a xwe de, roja Yekşemî,

19'ê Çileyê Pêşîn kete warê cîbicî kirinê ku li gor wê, sobîsîda dewletî li ser alav û hewcehiyên jiyana rojane ya xelkê de tê hilgirtin û pereyê next bi xelkê tê dayîn.

Lê ew pereyê ku xelkê re tê dayîn, gelek ji sobîsêtan kêmîr e û têra hewcehiyan nake, ji aliye din ve ji bûye sedema hilawsîna li rade bîder a li bazarê, ku eva ji bûye sedema nerazîbûna zêdetir a Xelkê ji Komara Îslamî, Lewma ji tirsar rûdana bûyeran û nerzazîbûna xelkê, hêzên leşkîrî li her cîhekê bi taybet li Kurdistanê de amadeyî her terze êrîckê bo ser xelkê nc.

Girantirîn dara Kirîsmesê li Îmaratê de hat nîşandan



Girantirîn dara Kirîsmesê li cîhanê de li bajarê Ebûzêbî, li mîrnîşînên yekgirtî yêni erebî de hat nîmayîşkirin. Ji bo xemlandin û cuwankariya wê darê qaseeke berbiçav ji zêr û Elmasan hatibû bikaranîn ku buhaya wê digihîje 11 Milyon dolaran. Birêveber û xwediyên wê pirjê li hewil de ne ku wê darê weke girantirîn dara Kirîsmesê li cîhanê de li nav pirtûka Gêns de tomar bikin.



Alboma wêneyên pêşmergeyê PDK - 2010